

TRUTH CENTERED TRANSFORMATION

MODULE 1



MANJILLO KUBUKAMBAWUSI BUZWIDE BBUKU LYAMUYISI

Ibbkuku IyaKusanguna IyaTruth Centered Transformation—Lya Manjililo Kubukambawusi Buzwide kuchimpanzi cha4.3 Copyright ©2019 v3.5. Copyright ©2018 Reconciled World, Phoenix, Arizona, United States of America. www.reconciledworld.org

Ooyu mulimu ulikujanika muni lyamabambe a Creative Commons Attribution-ShareAlike 3.0 license. Ulazumizigwa kutola mulimu ooyu, kuupanga bwiingi, kuuwaba, akuubelesya kotobelazya eezi zitobela:

Kupa kulumba – welede kubikilizya aaya mabala aatobela mukulumba kwako: Copyright © 2012. Lyakadindwa aba Reconciled World (www.reconciledworld.org) muni lyamialwu ya Creative Commons Attribution-ShareAlike 3.0 license. Kuyanda zyiingi, langa a www.creativecommons.org.

Tawuuzigwi pe – Tozumizigwi pe kuuzya mulimu ooyu naa kuubelesya munzila yakuchita bbizimusi.



Naa koyanda kusandwida mulimu ooyu, wangunuka kulembela ku info@tctprogram.org
Malembe aamu Bbayibbele woose akatolwa kuzwa muBbayibbele Lisalala IyaNew International Version®, NIV®, kunze aakuti kwazibisigwa bumbi aavesi eeyo. Copyright ©1973, 1978, 1984, 2011 by Biblica, Inc.™
Kalibelesegwa anzumizyo yaZondervan. Zyelelo zyoonse munyika yoonse nzya. www.zondervan.com I-“NIV” a “New International Version” zyakalembesegwa kuUnited States Patent a Trademark Office yaBiblica, Inc. MT

Kulumba

Kuli nzila niini yakulumba muntu woonse wakagwasizya akuchita kuti mabambe woonse aaya abembuli mbaabede. Zyiingi zyakazwa kunjiisyo zyaDarrow Miller waDisciple Nations Alliance aantoomwe aBob Moffitt waHarvest Foundation. Aaya mabambe aakapangwa akubelesegea muchiiindi changu nchindakali kubeleka aamutabi waFood for the Hungry. Ndilabalumba akundipa mweenya wakuti ndeezye mizeezo eeyi akugwasya amali yakubona kazizwidilila.

Muleeli Bbuku lyakusanguna, ndabelesya loko mizeezo yaBob ayaDarrow njibakabelesya mulizimwi nzibakalemba abalabo ziti “Development Ethic” yakalembwaa Darrow Miller a “Leadership Development Training Program” yakalembwa aBob Moffitt. Imwi mizeezo yakutula mabambe aaya yakazwa kuli Mark Wilson. Lwaano lwakuzubuka Mulonga luli muchiiyo chamusanu atutatu -8, teensi lwangu pe, pesi ndakalujana muzilembwa zyiingi pesi nsinakujana kuti wakalulemba chooma ngwani.

Ndipa kulumba kupati kuli boonse mbindabeleka aabo mukati kaminyaka yoonse nibakali kubeleka akubelesya mabambe aaya. Mbimbabo bantu bandipede kusumpuka kupati loko. Kubeleka kwabo akuboozya nzibayobuswaana nkukwakachita kuti ndibe achaamba chakwinkila kunembo mumazuba mayingi nindakali ndaamba kubweeda musule. Ndichijisi luyando lusolidwe kukabunga kabayiisi bakusanguna kakakkala aansu kabatakwe nchibenzi aawo nindakasanguna kubayiisya mulimu ooyu ambebo nkelikwiya kuyiisya azyakuyiisya. Bakeezya chamoyo mulamfu kuti bamvwisisisye antoomwe akweezya kuyiisya zimwi zintu nzitwakazobon kuti nziyumu loko kulimbabo. Pesi leza wakazigwisya zyeengele zyabo mubuchete. Nchintu chipati chikkala kachindiyeezya kuti eezi tendakali kulichitila andikke pesi ndakali kuchitila Leza anzyakali kuchita. Ndimvwa kugumwa kupati kubona kuti ambebo ambebo Leza wandizumina kuti ndibe mukati kalwaano oolu akundibelesya nikuba akulela nkwelako. Kulingwe alikke akube Bulemu.

Chakumaninizya ndiyanda kulumba mulumi wangu, wakiimika bwakwe bukambawusi kuti azobeleke andime mumabambe aya. Kansinga teensu wakaliwo taakwe nichiba chomwe chalikunozwiidilila. Ndilizi kulipeda kwako kupati nkukachita kwaminyaka myiingi kuti eezi zizwidilile. Nduwe nondipa mantukwe alimwi ndilakuyanda.

Anna Ho
Mweendelezi Mupati

Kotana Sanguna

Kubambila Chiiyo Chakuyiisya

1. Bala **Bbuku LyaMuyiisya** oobotu oobotu, kuti kakukonzeka libale twiingi koli kwiindulula. Kwenga mpobwene kuti mpakoloondo naa kulemba kumbali zimwi nzyobwene kuti nzikoloondo mubweendelezi oobu.
2. Langa **mizeezo mipati** yachiiyo eecho kuchitila kuti uzibe zyelede kuyiisigwa kubayiyi muchiiyo eecho.
3. Bala **malembe** aamuBbayibbele saansi kotanasanguna.
4. Langa kuti nzezili **zyakubelesya** nzyonga ulayanda muchiiyo eecho. Bona kuti wachitila basikwiiya zyoonse nzibeelede kubala aayo ategwa, chita zigwasizya basikwiiya kabalikubona muchiindi chabo chakwiiya.
5. Bona kuti **nchito** zyoonse ulizizi (misobano yandeene aantoomwe azitondezwo zigwasya kwiiya). Ulakonzya kujana buzyeezya abasimpuli naakuti abazolani bako.
6. Tola chiindi **chakukomba** kuti Leza ababambile kabotu bayiyi, kuti bayiyi bamvwe Leza nzyalikuyanda akuti Leza akugwasye mukuyiisya kwako. Yeeya kuti muumanguzu aaLeza amulikke munga mulapa kuti bantu basanduke.

Zintu zinga zilakugwasya kuti uzwidilile mukuyiisya kwako

1. Sika ubambe zintu zyako nzyotanobesye abusena mbotabelekele.
2. Utabi kochijana kuyanda kumana chiiyo. Bambila chiindi chakuzuwisyania chilamfu, misobano akulyookezya. Mpalamo njakuti bantu bamvwisisisye akuti babotelwe kuba muzyiiyo ezi. Njiisyo yako ibe yakuti nuwaya kuchibaka chitobela waziba kuti munti woonse wamvwisisisya zyoonse nzwayiisya musule. Zimwi zyiiyo zilakonzya kutola lubo chimbi chimpanzi chazuba litobela nakuti zuba lyoonse lubo.
3. Kkala kochita ndangemusule. Kumatalikilo achiiyo chipya chita kuti basikwiiya boonse bachite ndangemusule yazintu nzibakayiiya kale. Kwiindulula kugwasya kuti bantu tabalubi nzibakayiiya.
4. Tobezezya bweendelezi bwamuyiisya antoomwe anzunoli walembe aansu mukubambila chiiyo.
5. Bona kuti wabikilizya zimpanzi zine zyoonse zyachiiyo achimwi achimwi.
 - a. Zibisya mutwe wamakani – nchito zilaba nzizyo zitanjilane amutwe wamakani akujatana achiiyo chakiinda.
 - b. Pa njiisyo mpya – nzyiingi nzila ziyakupa majwi mapya.
 - c. Pa basikwiiya nchito ziyazimwi nzibakayiiya kale – chito zigwasya kufwambaana kumwisisisya chiiyo kwiinda mukubelekela antoomwe abamwi, kakuli kupangwa kwanjiisyo mpya munzila zisiyene.
 - d. Jatania majwi aya abuumi bwabo – eyi ninzila yakuchita kuti basikwiiya bakonzye kuzibikka mubuumi bwabo nzibayiiya.
Kwiiya kutakwe kubikka zyiiyo mubuumi bwamuntu taakwe nikugwasya pe.
6. Chita ndangemusule ya zyiiyo ziyakuyiisigwa muchiindi kakuyiisigwa kwabayiisya zya *Facilitator Development*.
 - a. Pa nzila zisalede ziyabwendezezi
 - b. Buzya mibuzyo myiingi itayandi nsandulo yomwe pe
 - c. Lumba bantu akuza kwabo
 - d. Utaambili bantu nzibatayiiye pe chilimbubo kulibonena
 - e. Sangunina alizimwi nzibazi kale bantu mpawo kolikulanga nzibakaswaanana aazyo
 - f. Baamoyo mulamfu kolikulinda kuti basandule

7. Kusungwaazya muntu woonse kuti ajatinkane muchiiyo, kwaabana mizeezo akuzuwisyania. Yandula nzila zyakusungwazya kujatinkana kwabantu balensoni zyakwambula alimwi eezi nzila tazyelede kubanyansa pe.
8. Komba zuba lyoonse kuchitila kuti Leza kali kukupa zimbi zintu zipya abasikwiya bako.

Nzila zyakubelesya Bbuku lyamuYiisi Eeli

1. **Mizeezo Mipati aZyakubelesya:** Achimwi achimwi chiiyo chisangunina aawa.
 - a. **Mizeezo Mipati** – Basikwiya belede kuzijana eezi kumamanino achiiyo. Chibotu kulibuzya mubuzyo wakuti mpalamo zyoonse yakazuzikizigwa na musule lyakuzulula kwako muchiiyo. Tola chiindi chakulangulula eezyo zipati nzimwali kwaambuuzyania aatala anzizyo kuchitila kuti tazilubwi pe.
 - b. **Zyakubelesya** – Zyoonse zyakubelesya ziyandikana anga zililembedwe achiiyo achiiyo.
 - i. **ZITONDEEZYO ZIBONEKA** – zinolembedwe boobo. Zyelede kukkala zyadindwa chiindi chachiiyo kachitanatalika.
 - ii. Tusungwazya kuti ube apepa pati lyakulembela, bboodi iituba, nakuti bboodi yakubelesya machoko kuti ulembele aawo nolikuchita kuzuwisyania mumbunga mpati.
 - iii. Kubelesya mabbuku aabayiyyi nkwakulisalila. Achimwi chiiyo chilimubbuku lyamuyiisi chijisi makkwa aajanika mubbuku lyabayiyyi nga chili aachitondeezyo eechi: (SG).
2. **Zyakutobelezya kuMweendelezi:** Mukati kazyiyo omu muli nzila zinga zilakugwasya kuti uzulwide chiiyo kabotu. Eezi tazyelede pe kwabilwa kuli aabo balikwiya. Kkala kozibalide eezi kuchitila kuti zikugwasye kweendelezya chiiyo. Imwi mibuzyo ilijisi nsandulo zilimumabbi aasendekede zyakukugwasya mbuli muyiisi kuti uzibe nzoyelede kulangila kuli balikwiya. Eezi teensa nzizyo azilikke nsandulo ziluleme pesi nziimwi biyo zinga zilakugwasya kujana zimbi.
3. **Kulanga chiindi akweendelezya chiiyo:** Chiindi chitolwa mukuyiisa tachibikidwe pe muziyyi.
 - a. Tola chiindi choonse cheelede kuchitila kuti bantu bayiye bamvvisisye chiiyo. Nchibotu kubona kuti bantu bali aanzibalikwiya akujata pepe kuchijanina kumaninsya zyiiyo muchiindi chitalidwe.
 - b. Yeeya kusiya chiindi chakusanguna ankomyo, kwaabana bukamboni kuzuwisyania aatala azimwi nzibanoli baswaanana aazyo akukomba aantoomwe.

Chiiyo 1: Kaambo Koonse

Muzeezo Mupati

Mabambe aaLeza teensi ngakufutula buumi bwabantu abulikke pe, pesi uyanda lubo kubona kubweda kubotu abulyidilano bwakaliwo kale kakutanaba achibi—bulyidilano bwesu aLeza, bulyidilano bwesu to bantu antoomwe abulyidilano bwabantu azilengwa zyoonse.

Zyakubelesya

1. Zitondeezyo zijatika:
 - a. Bulyidilano Botatwe (Mifanikisyo yone: Wakulengwa, Chiingano, Kuwa, Kuboola)
 - b. Musobano wa Adamu a Eva (ngawudindwe tubili)

Manjililo

NJOOMO MUMBUNGA MPATI

- Nkaambonzi Jesu naakafwa?

Zyakutobelezya Kumweendelezi: Sungwaazya nsandulo nyiingi. Yeezya balikwiya kuti taakwe nsandulo iitegwa njili njiyo pe.

Tukkala katwaamba kuti Jesu wakasika biyo kuzotufutula kuzwa kuzibi zyesu. Ninchobeni, pesi nzyiingi kwiinda eezi nzyakazida. Kufwa kwakwe aachingaano ndiimwi biyo bbazu lyakusika kwakwe. Ikuti tumvwisisisye kabotu majwi aamuBbayibbele tweede kumvwisisisya kuzwa kumatalikilo kuyosika kumamanino

Kulengwa

NJOOMO MUMBUNGA MPATI

Muluzibo lwako aatala aLeza mbakalenga nyika nga ulayisandula biyeni mibuzyo eeyi?

- Bwakalibiyeni bulyidilano bwaleza aAdamu? (*Matalikilo 1: 26-27, 31*)
- Bwakali biyeni bulyidilano bwakali aakati ka Adamu aEva? Ubonaanga bakali kukkala kabakazyanina na? (*Matalikilo 2:23-25*)
- Bwakali biyeni bulyidilano bwakali aakati ka Adamu azilengwa? Wakalikujana zyoonse nzyakalikuyanda na Adamu? Wakali aako na akulya koonse nkwakali kuyanda? (*Matalikilo 1:29-30*)

Zyakutobelezya Kumweendelezi: Tondezya **CHITONDEEZYO CHIJATIKA** Mufanikisyo 1 uutondezya kulengwa kwazintu mpawo ugwasye basikwiya kuti bamvwisisisye kuti kumatalikilo muntu katanawa bulyidilano boonse oobu bwakali kabotu loko.

Kuwa

Bala kuli Matalikil 3:1-20.

MUSOBAANO

Zyakutobelezya Kumweendelezi: Kumbila bantu babili kuti bachite musobaano ooyu. Bape musobano ooyu babili balipeda.

“Kuyooma Aakati ka Adamu a Eva”

- Adamu: (Ulimuchilili) Eva, kubeleka muchilili kwakayuma loko musule akubisya Leza nkutwakachita akulya muchelo uulya!
- Eva: Iyii, lino bana besu abalabo taakwe nibalikumvwanana kabotu pe. Balakazyania akulwana chiindi choonse. Ndisyoma kuti tazikoyinda awa pe! Amatu amusamu aya ngitulikuzwata nchekaka mabi!
- Adamu: (Kalikukazya) haa, tatukwe nitunga tulakonzya kuula zizwato zipya lino, leka biyo kulilalila! (Wimikila) Ndayeeya mazuba achiindi aawo Leza nanoonga uyabweenda aswebo alimwi katuzuwa aawe. Lino chakabija tatuchimo pe. Yeeya kuti banyama bakali kutulemeka biyeni, pesi lino bachila chakutuchija akutuyoowa!
- Eva: Iyii, bamwi biya anga bayanda kutuluma. Ugh... nsiziyandi pe nzoka! Ngandakubula kuti zyakeenda biyeni mane ndikapegwe lugwasyo enzoka! Nikunga penzi lyoonse eeli taliwo biya pesi ninzoka njiyeeyi!
- Adamu: Mane ipenzi ndilyako! Toswiilili pe taakwe chibotu nichiba chomwe nchochita. Kujana me ndapegwa busongo amuntu wakeenwa nzoka?
- Eva: Iyii kabi utasoli ndime. Ayebo ndipenzi lyako! (wakiima, kawuside) Ndilekelele, tazigwasyi pe koonzomoka. Adamu, uyeya kuti zintu tazikozobweeda mbuli mbuzyakabede na
- Adamu: Taakwe nchezi pe Leza alike nguwe uukonzya kulimana penzi eeli!
- Eva: Amu aaba bana niinzi lino (wakachijaana) amuleke kulwana nywe bana! Amuleke ndilyo lino netanabuzya wuso takobotelwa pe!
- Adamu: (Wakabweeda muchilili kalikutula choyo) kubeleka, kubeleka, kubeleka,...

NJOOMO MUMBUNGA MPATI

Kuzwa kumusobano wachitwa anzimwabala muBbayibbele, ngaali mapenzi bantu ngibaswaana sunu nkaambo kakuwa kwamuntu akunjila muchibi?

- Bala Matalikilo 3:8, 10 – Niinzi chakachitika aakuwa kwamuntu kuyoosika kubulyidilano bwamuntu a Leza?
- Bala Matalikilo 3:12 – Niinzi chakachitika kuzwa kukuwa kwamuntu kuyoosika kubulyidilano akati kabo?
- Bala Matalikilo 3:15 – Niinzi chakachitika kuzwa kukuwa kwamuntu kuyoosika kubulyidilano bwakwe azilengwa?

Muntu naakawa, chibi chakanjila munyika, musyobo wazibi woonse. Kakutanaba kuwa kwamuntu kwakali chakulya chakali kuzulila alimwi taakwe nikwakali mizuzumo yanyika, mazambangulwe abbalangwe tezyakaliwo pe. Nkaambo kakuwa kwamuntu lino twaabuswaanana amapenzi woonse aaya.

Kuwa oku kwakanyonyoona bulyidilano boonse butatu.

Zyakutobelezya Kumweendelezi: Tondeezya **CHITONDEEZYO CHIBONEKA** Mufanikisyo 2: Kuwa mpawo ugwasye bayiyi bamvvisisye kuti Kuwa kwakajeya bulidilano boonse oobu.

Bukambawusi/Mpalamo

Chimpanzi chitobela chalwaano nchaakati kaLeza azilengwa zyakwe zilajanika kuzwa nakawa muntu kuyosika kumamanino aachizuminano chachiindi.

Zyakutobelezya Kumweendelezi: Tondezya balikwiya chimpanzi chipati chaBbayibbele ncholikwaamba.

Eechi nchechibaka aawo Leza nalikuyanda bantu bakwe. Ulaachiyandisyo chakubamba bupya eezyo zyakanyonyoka.

ABBULAHAMU – Bala kuli Matalikilo 12:1-3. Muli eechi chimpanzi Leza ulikubusya Abbulahamu akumulongezya. Nkaambonzi naka longezya Abbulahamu? (*Leza uyanda kulongezya manyika woonse*). Mulooyu munchali tubona mabambe aaLeza akufutula nyika. Kwiinda munsondo uyanda kweeta zilongezyo kunyika yoonse

MOZESI – Leza wakapa milawu ilikkumi mukubamba kubusilizya bulyidilano bwakanyonyoka.

- Eyi milawu ilanga zintu zyamuyya azilikke nakuti ilalanga alubo bulyidilano aakati kesu mbuli bantu, abulidilano bwabantu azilengwa?

Milawu iine yakusanguna yambuula aatala akubusya bulyidilano bwamuntu animpo eeyi imwi ilimusanu awumwi? (*mbulyidilano akati kesu tobantu*). Mulawu ulalanga bulyidilano bwesu a Leza (Kulonga 21:3), bulyidilano aakati kesu tobantu (Kulonga 21:12), alubo abulyidilano bwesu azilengwa (Kulonga 23:10-12). Mpiili milawu igwasya kuti bantu bapone kabali aabulondozi bubotu. (Levitiko 13), itondezya kuti bantu beelede kujatana biyeni (Kulonga 23:1-9). Leza talangi zintu zyamuyya azilikke. Ulalanga mabazu woonse abuumi bwesu. Nchaakabikka milawu kumabazu woonse akanyonyooka nkaambo kakunjila kwachibi munyika.

Bala kuli Duteronomiyo 28:1-14.

- Leza utyeni aatala akutatobelezya kwamuntu milawu eeyi?
- Zilongezyo nzyakasyomezya Leza nzyamuyya biyo na, nakuti amubuumi mbutupona?

Leza wakabusya Baami aba Sinsimi, pesi bana balzirayeli bakalikukkala kabalangana abuchete ankondo nkaambo bakali kukkala kabafutatila Leza.

Bala kuli 2 Makani 7:14

- Leza wambilani kuti alibombye akombe? (*Teensi bantu boonse pe, pesi bantu Bakwe–boonse aabo bategwa mbana Kkilisito mumazuba aasunu.*)
- Leza wakatyeni kuti aaba bantu baswiilila akutobelezya milawu (*Leza ula ponia nyika yesu*). Eeli lichili simpe ambuli sunu. Eezi zyiinda kubona biyo kufutulwa kwabantu. Eeyi vesi yaamba kuti Leza uzoyeta kubusilizya bulyidilano – boonse botatwe bwakanyonyooka.

Chiingano

Kakutali biyo kunonezya kwaleeli bbazu akulikke mulwaano olu, pesi ndebbazu pati mulwaano loonse. Mukati kanzila zyakusyoma zyaandeene kuchitika zisiyene zilimbuli kupeda zipayizyo mukubotezya baleza. Muchi Kkilisito, Leza wakiiyanda nyika mane wakatumba mwana wakwe kuti azoyifwide.

Bala kuli baKolose 1:19-20. Nkaambomnzi Jesu nakafwa?

- Wakafwida kubusilizigwa kwabulyidilano boonse.

Zyakutobelezya Kumweendelezi: Tondezya **CHITONDEEZYO CHIBONEKA** Mufanikisyo 3: Kubusilizya, mpawo upandulule kuli basikwiya kuti Leza wakasika kuzobusilizya bulyidilano boonse bwakadunsuka muchiindi chakunjila kwa chibi. Pesi zyoonse taakwe nizatamane mane kukabe kumamanino aalwaano Restoration.

Jesu wakatusiila Mulimu Mupati/Kutumwa Kupati. Tuli aamulimo pepe wakusandula bantu kuba bana Kkilisito pesi akuzulwida nyika. Kuzulwida nyika kwaamba kugwasya bantu bamunyika kuti batobele Leza aziyandisyo zyakwe mumabbazu ngalikuyanda kubusilizya

Kuboola

NJOOMO MUMBUNGA MPATI

Bala kuli Chiyubunuzyo 21:1-7

- Kumamanino buyooba mubiyeni bulyidilano bwamuntu a Leza?
- Buyooba biyeni bulyidilano akati kamuntu amuntunyina?
- Buyooba biyeni bulyidilano akati kamuntu azilengwa? Tuzojana chakulya chizulila na? Kuchinooli malwazi na?

Zyakutobelezya Kumweendelezi: Tondeezya **CHITONDEEZYO CHIBONEKA** Mufanikisyo 4: Kuboola mpawo uchite kuti bayiiyi bakonzye kuzipandulula, Jesu naayooboola, bulidilano bwesu boonse bunooli bwabweedezegwa mubuzwide mbuli mbaakabuyandide Leza kumatalikilo.

Masimpilo

Oolu ndolwaano loonse —Iwaano lubotu loko kuzwa kumatalikilo kuyosika kumamanino mbuli mbaakiilienga nyika Leza kiilimbotu; mbuli mbuchakanjila munyika chibi akunyonyoona zyonse, mbuli mbakiiyanda nyika Leza zyakamupa kutuma mwana wakwe omwe kuzobusya bulyidilano bwakanyonyoonwa achibi, mbuli mbatazoboole lubo Leza limwi zuba zintu zyoonse zizobe zipya.

Leza utuyanda loko. Wakatuma mwana wakwe kuti azotufwide kuchitila kuti tube abulyidilano bubotu anguwe, akuba abulyidilano bubotu akati kesu, antoomwe azilengwa.

Chiiyo 2: Bantu Mbakoloondo Kuli Leza

Muzezo Mupati

Bantu boonse balengedwe muchiimo chaLeza alubo Leza ubayanda bweelene bantu boonse. Tweelede kujatana kabotu, abaabo batajatwi kabotu zyiindi zyoonse belede kujatwa mbuli bantu balemu kunembo lya Leza.

Zyakubelesya

1. Bbuyi LyaSikwiiya nkulisalila (SG)
 - a. Mibuzyo yaKulengwa muchiimo chaLeza

Manjililo

NJOOMO MUMBUNGA MPATI

KuCongo, nsondo nyiingi yakasanguna kusikila baamu, kababazumizya kukkala muziyako zyansondo akubayiisya Kusuma. Baamu aaba bakali basimbi bakali kukkala mumigwagwa nkaambo bakali bamita kabatanakwatwa, mpawo mpuli zyabo zyabatanda aamyunzi.

- Muyeeya kuti aaka nkabunga kabotu na kuti nsondo ikagwasye?
- Kuli bamwi na bantu mimuyeeya kuti kaansinga nsondo yalanga mbabo sansiina?

Kulengwa Muchiimo ChaLeza

NJOOMO MUMBUNGA MPATI NAA TUBUNGA TUNIINI (SG)

Bala kuli Matalikilo 1:26-27

- Bantu basiyene biyeni azimwi zilengwa zyoonse? Leza wakabelesya chitondezyo chilibiyeni kuti alenge muntu ulimbuli nchicho?
- Nzeezili zimwi zintu zijanika muli Leza ziboneka mumuntu? Zidombole abuvule bwzyo na kokonzya.

Bala kuli Ntembawuzyo 139:13-16

- Eyi ivesi itwaambilaanzi atala abupati bwamuntu?
- Uyeeya kuti ivesi eeyi yaamba biyo bamwi bantu nakuti bantu boonse.

Leza wakatwaanza, wakatulenga kabotu kabotu, mpawo wakalemba mazuba aabuumi bwesu woonse mubbuku. Tetwakalichita pe, pesi Leza wakamulenga muntu awumwi awumwi.

NJOOMO MUMBUNGA MPATI

Bala kuli Johane 3:16

- Leza niinzi nchakachita kuti abusilizye nyika?
- Leza wakatufwida nkaambo twakali babotu na? (*Kuti kabatezi mulange kuli Ba-Roma 5:8.*)
- Kutu Leza wakachibona kachili chikoloondo kutumina mwana wakwe kuti azoofwide bantu, aboobo uyeeya kuti Leza ubalemeka biyeni bantu?
- Eezi zyambaanzi kunzila njitujata aayo bamwi bantu?

Fwiinsya: Muma vesi aaya tulabona kuti Leza uyeeya kuti bantu mbakoloondo kulinguwe. Wakatulenga muchikozyanisyo chakwe— wumwi awumwi wesu wakaanzwa kabaotu kabotu muda lyamamama eesu. Wakabayandisya loko bantu chakuti wakazotumina mwanakwe omwe kuti azobafwide

Yeeya lubo aatala ansondo zyakali kugwasya baamu.

- Kujana mizeezo eeyi yatugwasya na kubona kut nkaambo nzi nibakasala mbab kuti babagwasye?

KULILINGULA OMWINI

Toonse tulibapati kuli Leza. Aboobo kuli woonse muntu uli mubukkale bwako. Tola chiindi chakuyeeya kuti bantu balimucheengele chako ubajata mbuli bantu bakoloondo kuli Leza na?

Chiiyo Chakulanga: Nsondo Yakusanguna

NJOOMO MUMBUNGA MPATI

Bana Kkilisito bansondo zyakusanguna bakalikumvwisisisya kuti bantu mbakoloondo. Muleecho chiindi bantu bakalikuyeeya kuti baleza bakali kulwana chabo chabo kabayanda bupati mpawo bakalikuyanda kuti bantu bachite zipayizyo kuchitila kuti tabajani zisubulo. Bana Kkilisto bakalizi kuti Leza omwe wanchobeni ulisiyene. Wakalipayila we kuti bantu bafutulwe, kwiinda mukutuma mwana wakwe omwe ngwayandisya kuti azobafwide (John 3:16). Lusomo olu lwalikutondezya kuti muntu woonse ulalemekwa kunembo lya Leza. Kumvwisisisya luyando lupati lwa Leza olu kwakapa kuti bensondo yechiindi bakazyanie azimwi zintu zyakazibilikide kuchitwa zilimbili kugwisya da akujiigwa kwabana batete. Muli eecho chiindi kwanoonga kuti kwazyalwa mwana musimbi wakali kusowegwa. Pesi bana Kkilisito bakalizi kuti buumi boonse bulalemekwa – ulemene, uutanazyalwa mwaalumi na mwanakazi, muzike naa muvubi – boonse mbakoloondo kuli Leza. Bakanoonga bakubabwezela bana basimbi aaba babalela mbuli babo...

Basinsondo yakale bakali kusyoma kuti mbubonya Leza mbakatondezya luyando lwakwe kwiinda mukupeda buumi bwakwe kuti tufutulwe, aboobo wakalimulandu wabo kuti abalabo balipede kubelekela bamwi. Batobeli baJesu bakalizi kuti bakeelede kufwida luzyalo bantu boonse bukozyenie mbuli mbabafwida luzyalo Leza bantu boonse. Muchiindi eecho kwakabawo kupaluka kwadwazi lyamwida lya cholera. Kutu wapa maanzi kumuntu ulikuchiswa cholera unoli wasumpula mweenya wakuti atafwi. Na katakwe maanzi ulakonzya kufwa. Kakuliboobo cholera ndidwazi lilapenzi pati lyakutabukizyanigwa. Aboobo, baRoma banoonga babona muntu uuchiswa nkaambo kakuyoowa kutabukizigwa bulwazi oobo bakanoonga basowela bantu bachiswa aabo aanze kuti bakafwide nkuko kwiinda kubapa maanzi kuti bapone. Buumi bwabantu tebwakali kulemekwa pe akati kabo. Pesi kakuliboobo, bana Kkilisito bakalisiyene. Bakanoonga bayinka kulaabo bantu bachisidwe bakubayola babapa maanzi akubagwasizya kuti bapone. Bakalikusyoma kumilimu yakulipeda akuchita amoyo woonse. Biingi bakafwa pesi nkaambo kamyoyo yabo bana Kkilisito bakavula loko

KULILINGULA OMWINI

Tola chiindi chakuyeeya atala alwaano oolu koli olike muchuumunizi.

Kumbila kuli Leza akugwasye kubona mbojata bamwi bantu.

- Ubajata munzila Leza mbabalemeka kunembo lyakwe na mbulikuti ulakonzya kubafwida?
- Ujata bamwi bantu kabotu mpawo bamwi bubi na?

Kumbila Leza akulekelele awo mpuwakatajata bamwi bantu kabotu ukumbile akutondezye we mbayanda bantu bakwe

NJOOMO MUTUBUNGA TUNIINI

- Mbaabali bamwi bantu bakkala kabalangilwa aansii?
- Nzeezili zimwi nzila nzitunga tuala tondeezya kuti muntu woonse mukoloondo kuli Leza?

Chiiyo 3: Yanda Leza mpawo Uyande Simayakilane wako

Muzeezo Mupati

Leza wakatutamba kuti tuyanda basimabambanwa besu mbuli nzila yakutondezya luyando lwesu kuli nguwe. Tulakonzya kutondezya luyando kuli basimabambanwa besi kwiinda mukubagwasya anzibayanda.

Zyakubelesya

1. Zitondezyo ZibOoneka:
 - a. Musobaano waMuvangeli (iidindwe ibe itatu)

Manjililo – Musobaano waMuvangeli

MUSOBAANO

Zyakutobelezya Kumweendelesi: Sala mpango zyatatwe kuzwa mukabunga kuti zichite musobano ooyu kobelesya. Bape **CHITONDEEZYI CHIBONEKA** -Musobaano waMuvangeli.

Manjililo aaSikulungulula: Mulizimwi zyiindi tobana Kkilisito tujisi busyoonto mukumvwisisya Jwi lyaLeza. Kuli kumvisisisya kwakuti kutambula Jesu, nkaambo kabuumi alufu, pesi tabamvwisisisi zimbi pe. Aawo nibataboni ziyandwa abasimayakilane babo, majwi aabo nga alisweekede...[yooya]. Sunu tulaswayila muunzi wamuntu muchete loko. Muntu omwe uukkala amuunzi ooyo, muchete alimwi ulachiswa (PSP) ulikuchiswa alimwi ulilede. Sikuswaya, munaKkilisito kalimukambawusi Muvangeli (EV) Uyabuswayila bantu mummyunzi mumabambe aakwe akukambawuka, uchizwa kusika.

Evangelist (EV): Wodi, wodi! Tusike amuunzi? Ndinjile na? (Kalikunjila)

PSP: (Kajwi kansaansi) Munjile oomuno...

EV: Mwaponi biyeni. Ndime _____ ndazwa kunsondo ya _____. Njabweenda sunu kandiyabutamba bantu boonse kuti bazekunsondo yesu. Leza ulikutulongezya loko akumuswangaano wakubusilizigwa ngutulaawo. Anywebo tamusweekelwi pe.

PSP: (Kusata akwaambuula mumachise) Nsikonzyi pe kusika.....nsikonzyi kubuka ndikuchiswa loko Mulimu wakandimanina.....nsikwe mali yakubbadazya akukkala amali yakula minsamu achakulya.

EV: Mapenzi aya mapati loko, pesi mpali ngwezi ukonzya kwaamana mapenzi aya. Mwakamutambula na Jesu Kkilisito mbuli Mufutuli wenu?

PSP: (Mubulenga) Basinzubo zyangu abazolani bakandichija nindakachiswa akwaandwa mulimu. Nkwali na uunga ulandigwasya kunsondo yenu? Wenche ndakombelela?

EV: Lugwasyo loonse ndumunga mulajana mululi mukabbuku aaka. Kapandulula mabambe aaLeza atala abuumi bwako. Mulizi kuti teensa kuyanda kwakwe ikuti kamulede aawa. Amutole aaka kabbuku mukabale mpawo mutobelezye nkombo yakusanduka kwasizibi, akusyoma!

PSP: (Katakwe manguzu) Nsikonzyi pe... nsikwaawo pe manguzu... (Wuumuna katapubuuki pe.)

EV: (Wakaswiiliza moyo) Uchipona! Alumbwe Leza, ndasika chiindi chibotu kuti ndipe bukamboni! Ndilasiya kabbuku kakubala. Ndeelede ndifwaambane kweenda kuchitila kuti nkakambawukile bambi bantu basweekede. (Wakaambulisa mukutwi kwasikuchiswa) Tualakukombela. Yeeya, Jesu ngonsandulo. (Weenda mpawo).

PSP: (Wakamweeba kayabweenda, kalikusata) Ohhhhhhhhhh...

(Taakwe chimbi pe nchakakonzya kuchita)

NJOOMO MUMBUNGA MPATI

- Niinzi chachitika mumusobano ooyu?
- Wakalibabwene naakubamvwa bantu bakambawuka oobu?
- Zyakazwidilila na eezi musule achiindi chilamfu?
- Kukambawuka oku kweendelana biyeni akukambawuka kwakalikuchita Jesu?

Ijwi lilamba antanganana kuti Leza ulabayanda bantu bakwe ikapati bachiswa – aswebo mbombubo mbutweelede kuchita. Chimwi chinga chilatutondezya kabotu atala akumvwisisya Leza mbayanda bantu bakwe tulakonzya kuchijana mumilawu ya Jesu.

Mulawu Mupati

NJOOMO MUTUBUNGA TUNIINI

Zyakutobelezya Kumweendelezi: Lemba minchali abboodi. Chita kuti akamwi kabunga kalange minchali mutubunga twayo twamavesi mpawo basandule mibuzyo.

Amubale mavesi aatobela. Nzeezili zintu zibili nzitwakalayilwa kuti tuchite?

Matayo 22:36-40 Luka 10:27

Amubale mavesi aatobela. Aaya mavesi adombola chintu chomwe biyo kuzwa kujulu. Ncheechili?

Matayo 7:12 Ba-Roma 13:9 Ba-Galatiya 5:14

NGAMBO ZIBOOLA

Njiili milawu njitubona mutubunga tubili twamavesi?

- *Yanda Leza*
- *Yanda Simayakilane wako*

Jesu waammba kuti nguuli mulawu mupati kwiinda imwi? (*Amubale lubo Matayo 22:37-38*)

- *Yanda Leza*

Aawo Milawu abaSinsimi nibafwingsigwa aMulawu Mupati omwe, nguuli?

- *Yanda simayakilane wako*

Muyeeya kuti nkaambo nzi Leza naakasala kufwiinsya Mialawu abaSinsimi kabelesya mulawu ooyu?

- *Kuti tebatondezya kuziba kuti nkaambo tweelede kutondezya luyando lwesu kuli Leza kwiinda muzichito, boola lubo kumubuzyo ooyu kumamanino achiiyo.*

Kuyanda Simayakilane Wako

NJOOMO MUTBUNGA TUNIINI

Bala kuli I Johane 3:17, I Johane 4:20, a Jakobo 1:27.

- Ayisyaanzi mavesi aaya aatala akuyanda simayakilane wesu?

NJOOMO MUMBUNGA MPATI

Mbuliyidilano nzi buli aakati kaluyando lwaLeza akuvwiila kwesu kukugwasya bantu?

- *Naa katumuyanda Leza tulakonzya kuzitondezya eezi kwiinda mukuyanda basimabambanwa besu. Naa katuti tulamuyanda Leza pesi katutayandi simabambanwa wesu tunoli tatumuyandi chanchobeni pe Leza*

Chilakonzeka na kwaabana luyando lwaLeza katutali kugwasya bayanda kugwasigwa?

- *Peepe*

Tulibatobeli baJesu na, ikutu katutali kugwasya kuziyandisyo zyakabantu zyakukkale bwabo zijatika mubuumi—mumuuya—azimwi zyoonse ziyandisyo zyamuntu?


- *Peepe. Naa twalanga lwaano lwa mpongo a mbelele twaanzanisigwa zili antanganana azintu nzituchita anzitutachiti. “Ndakali aanza alimwi mwakandipa chakulya, ndakali aanyota alimwi mwakandipa chakunywa...” (Matayo 25:35). Jesu uatondeezya mulwaano oolu kuti nchobeni tweelede kugwasizya bantu bal aafwiifwi andiswe kuzintu nzibayanda kuti katuli batobeli bakwe banchobeni.*

Chiingano

Zyakutobelezya Kumweendelezi: Eenga chiingano aabboodi mbuli muchitondezegwe. Pandulula kukabunga:

Oyu mufanikisyo wachiingano wakapangwa munzila yakuti tukkale katuyeeya mulawu ooyu. Mukondo uuya kujulu utondeezya bulyidilano bwesu a Leza. Ngomukondo mupati.

Mukondo wiingide utondeezya bulyidilano aakati kesu, chesu chesu tobantu. Mukondo wiingiide ujisilidi amukondo wiimvwi. Kansinga taakwe mukondo wiimvi ooyu, mukondo wiingide nuunga ulimumuse. Eeli ndisimpe litalangi mufanikisyo ooyu awulikke pesi amubuumi bwesu. Tulamuyanda Leza kuti atugwasye kuba abuzolani buntuloko



Ngwani Simayakailane wako?

Zyakutobelezya Kumweendelezi: Bala lwaano lwamu Samariya mubotu bantu balikwiya abatobelezye lwaano oolu bachite musobaano. Bantu balimusanu ababili mbibayandikana mumusobaano ooyu: Mwaalumi omwe, basikubba bobile, mukambawusi omwe, mu Levi omwe, mu Samariya omwe, sikulinda busena omwe.

Umwi wakabuzya kuli Jesu, “Ndeelede kuchitaanzi kuti ndijane buumi butamani?” (kwaamba kuti “ndiyoonyjila biyeni Kujulu”) Jesu wakamwaambila kut zintu zyobile nziziyandikana—kuti tuyande Leza akuti tuyande Simayakilane wesu. Ooyu muntu mpawo wakabuzya lubo, “Ngwani simayakailane wangu?” Jesu wakasandula kabelesya lwaano lutobela.

Bala kuli Luka 10:30-37.

KUYOOMA MUMBUNGA MPATI

- Mu Samariya mubotu wakalimwizi na muntu wakalede?
- Niinzi nchakachitila muntu ooyo mu Samariya mubotu? Zyakasiyana biyeni azyakachitwa abamwi bantu?
- Mu Samariya mubotu wakalutondezwa biyeni luyando kuli Simabambanwa wakwe? Wakachita biyo zyakeelede nakuti wakiinzizya?
- Lwaano oolu lutuyiisya aatala akuti ngwani simabambanwa wesu?
- Lwaano oolu lutuyiisya biyeni aatala akuti tulutondezwa biyeni luyando kuli basimabambanwa besu?

Kuchita

Yeeya bantu mbobona mazuba woose. Ncheechili chintu chomwe nchonga ulachitila umwi muntu?

Chiiyo 4: Kukomena Kumabazu Woonse

Muzezo Mupati

Jesu wakakomena muzimpanzi zine – chiimo, mumuuya, kukalisyanika aabamwi amuboongo. Aswebo tweelede kukomena muzimpanzi zine kuchitila kuti tugwasye mubukkale bwesu antoomwe ansondo zyesu kuti azilazyo zikomene mbuboobo

Zyakubelesya

1. Zitondeezyo Ziboneka
 - a. ‘Mabazu Aakuomena kwaJesu’ Chaati (awumwi sikwiya abe lyakwe)
2. Pepa pati lyakulembela naakuti Bboodi lituba
3. Tupepa tuniini twakunamatika aapepa pati naakuti aabboodi lituba
4. Bbuku Lyasikwiya ndakulisalila (SG)
 - a. Chaati lyaLuka 2:52

Manjililo

NJOOMO MUTUBUNGA TUNIINI

- Niinzi chiyandwa amwana kuti akomene kuzwa kazyalwa kuyosika myaaka ilikumi lilamusanu ayitatu?

Zyakutobelezya Kumweendelezi: Lemba aansi nsandulo zyabo aatupepa tuniini, (ulazibelezika muchibeela chitobela) Kuti kabatakwe zikozyaniso mumabazu aane (nzibazi), bagwasye akubapa nichiba chomwe. Mbuli kuti: kulizyabukkale: uyeeya kuti ooyu muntu nga ulayanda kuba ampuli naakuti umwi muntu uunga ulamuyanda?

Luka 2:52

Bala muli Luka 2:52: “Mpawo Jesu wakakomena mubusongo achiimo, mpawo wakajana luyando kuli Leza akubantu.”

Nzezili nzimpanzi zine Jesu nzyakakomena mulinzizyo? Ngaali majwi azibilikide apandulula kukomena ooku munzila zine?

- | | |
|-------------------|-------------|
| • Busongo | Boongo |
| • Chiimo | Mubili |
| • Kuyandwa aLeza | Muuya |
| • Kuyandwa abantu | Bulyidilano |

Zyakutobelezika Kumweendelezi: Lemba majwi one azibilikide aabboodi. Tola makkaadi waabike muzibunga naakuti utondeke kuli zyalembwa kumanjililo mpawo utondezwe mbuli mbuzinjila mukati kamabazu aaya.

Mbuli Jesu, tweelede kukomena kumabazu one aaya. Tulakonzya kubelsya eechi mbuli chitondezwo chinga chilatugwasya kubona kuti bantu belede kusumpuka byeni.

Kukomena kwaJesu

NJOOMO MUMBUNGA MPATI

1. Nzeezili zyaamubili/zijatika/amubukkale Jesu nzyaakakomena mulinzizyo? (Wakayinka ku yunivesiti na? Wakali ama gesina eng'anda Yakwe? Wakali achakulya chakali chizulila na? Wakalikukonzya na kubala akulemba? Wakali abazyali bakalikumuyanda na?)
 - *Jesu wakakomenena mumpuli yakali abuchete. Bakalikupa chipayizyo chankwilimba zyobilwe. (Langa kuli Luka 2:24 a Lev 12:8.)*
 - *Pesi kakuliboobo, wakalikujana chakulya chizulila. Wisi wakalikubeleka alimwi wakali ampuli yakalikumuyanda.*
 - *Wakayiiya kulemba akubala muzyiyo zyakwe zyamu sinagogu*
2. Wakali aazyo na Jesu zyakubelesya kuti azuzikizye milimu ya Leza. Nkaambo nzi?
 - *Johane 17:4 utwaambila kuti Jesu wakamanisya mulimu ngwakatuminwe a Leza alimwi wakazuzikizya kutumwa kwakwe*
3. Mbuuvubinzi buyandikana kuti uzuikizye ziyandwa a Leza?
 - *Jesu wakali muchete, pesi wakakonzya kuzuzikizya milimo ya Leza mubuumi bwakwe.*
4. Jesu wakakomena mumabazu aane. Tulakonzya na kugwasya bamwi bantu kuti bakomene mulaya mabazu? Ibiyeni?
 - *Iyii, mabazu one aaya atupa bwendezezi bwakutobelezya mukugwasya bamwi bantu kuti bakomene.*
 - *Kukomena mumabazu one aya nchintu chitola chiindi chilamfu.*
5. Kukomena kwaJesu nkabela kwakachitika champawaawo naakuti kwakatola chiindi nchilamfu?
 - *Kwakatola chiindi—minyaka makumi aatatu!*
6. Na kukomena/kusumpuka kwaJesu kwakatola minyaka, nchilamfu biyeni chiindi chiyandikana kuti umwi muntu biyo asumpuke?
 - *Kutola chiindi kuti muntu asumpuke. Na katuyanda kubagwasya bantu twelede kulipeda akupeda chiindi chilamfu muminyaka myiingi*

Kuchita Mumawusi Eesu

Tatweelede kulilanga bwesu atulikke mukukomena mumabazu one aaya mbuli Jesu mbaakachita, pesi tweeledede lubo kugwasya bamwi kuti abalabo bakomene mumabazu ngayaya aane.

Zyakutobelezya Kumweendezezi: Pa awumwi muntu pepa lilembedwe 'Mabazu Aakukomena kwaJesu (Chitondezyo Chiboneka) (SG).

Chakusanguna zuzya muzimanga zyapepa eeli kotondezya kuti ulakomena biyeni mulichimwi achimwi chibazu akusungwasya basimpuli yako, basinsondo abamubukkale kuti abalabo bakomene mumabazu aaya .

Yeeya...

- Sala zintu zikonzeka kuchitwa mumviki yomwe. Wasala chintu chipati chilakonzya kukuyumina kuchimaninsya mpawo zikubwedezye musule. Sala chintu chinini kuchitila kuti uzwidilile mpawo ukonzye kusala lubo chimbi chintu mumviki iitobela.
- Sala chintu nchotalikuchita kale pe.

Tubunga twabantu balalwiiyo lwaansi—Naa kakuli kuyumu kuzuzikizya zili mupepa muzuwe biyo atala azeezi zintu zitobela biyo:





- Yeeya aatala anzila zinga zilakugwasya kukomena mumabazu aane aaya. Nzeezili zimwi zintuntu nzyotalikuchita kale?
- Yeeya aatala ampuli yako. Balikukomena ana mumabazu one aaya? Ncheechili chimwi chintu nchonga ulachita kuti ubagwasye basimpuli yako na umwi muntu kuti akomene mumabazu aaya?

- Yeeya nsondo yako. Mpali na munsondo yenu ngonga ulagwasya kuti akomene mukati kamabazu aya? Ubwene aanga ulachita biyeni.
- Yeeya mucheengele chako. Mpali na muntu mucheengele chako ngonga ulagwasya kuti asumpuke mubazu aane aya? Uyeeya anga ulachita biyeni?

Zuzikizya pepa eeli amizeezo yakugwasya mpuli yako, nsondo acheengele chako kuti bakomene mukati kamabazu aane aya Jesu ngakakomana.

Zyakutobelezya Kumweendezezi: Pa basikwiiya chiindi chilamfu chakuti bayeeye. Nchikolondo kuti bajane chiindi chakuyeeya akujana mizeezo ilikabotu kwiinda kuti bachijanine kuyeyea muzezo omwe.

Nibamaninsya kumbila bayanda kulipeda kuti baabile mizeezo yabo kuli bamwi. Buzya kuti anga kulaba amwi na mpubalikukachilwa kuzuzikizya akuti kuli ayuma kujana zikozyanisyo buzya lubo akuti kabunga aaka kalakonzya na kuyeeya zimbi zikozyanisyo antoomwe. (Kuti kataachikwe chiindi chizulila kuti boonse bamaninsye, basungwaazye kuti bayinke aazyo kumyuunzi yabo bakamaninsizye nkuko.)

Bube	Mabazu Aakukomana kwaJesu			
Kukomena	Busongo	Mubili	Muuya	Bulidilano
 Muntu mwini	Kubala bbuku na amwi malembe aatala abbazu ndindiyanda kukomena	Enda musinzo mulamfu	Tola chipamnzi chazuba koli muku komba.	Tumina jwi lyakusungwaazya kumweenzinyokwe
 Mpuli	Ambuula atala akubelesya tusimpi tubili mumpuli	Sanzya zilongo musule akulya kwampuli	Zulwida mpuli munkombyo yazuba	Amuye kukuswaya amulumi/mukayintu wako kamutakwe bana
 Nsondo	Nimukomba aMuvulo amubikke zyakakambawukwa muNsondo	Lungisya nzila abusena butiimvwi kabotu amulyango wensondo	Kombela Mukambawusi abmwi bapati bansondo lubbe.	Tamba bamwi basinsondo nyokwe kung'anda yako.
 Cheengele	Ambuula aatala amapenzi alangene acheengele amupati wacheengele	Endeenda mubukkale mubweezelele tombe	Tamba basimabambanwa bako kunganda kamupobweda imwi nchito yachi Kkilisito	Sana misobano abana bamucheengele.

Masimpilo

NJOOMO MUTUBUNGA TUNIINI (BANTU 2-3)

Mutubunga twabantu babili naa batatu (tabayindi batatu pe!), mwaabane chimwi chintu nchimunga mulalipeda kuchita. Mukombelane kuchitila kuti Leza amugwasye mukonzye kumana mulimu ooyo.

Chiiyo 5: Leza uyanda kuti Nsondo Igwasye

Muzeezo Mupati

Nsondo iliitidwe kuti iyande bantu kwiinda munchito ikapati kulanga ziyandisyo zyangachete.

Zyakubelesya

1. Pepa - mapepa aabili aabili aazimpanzi zine zyoonse.
2. Zitondeezyo ziboneka
 - a. Chaati lyaNzila Zyakugwasya – akamwi kabunga kapegwe
3. Bbuku lyaSikwiiya ndyakulisalila (SG)
 - a. Chaati lyanzila Zyakugwasya

Manjililo

NJOOMO MUTUBUNGA TUNIINI (BANTU 4)

Lemba aansi milimu yoonse ichitwa ansondo yako (Eenga kuti utondezye milimu eeyi kuti koyanda zibe antanganana).

***Zyakutobelezya Kumweendelezi:** Nibamaninsya ambila tubunga kuti balange zyoonse zyalembwa kabli kwaamba kuti zibambilidwe basinsondo naakuti batanjili nsondo. Nzingane zili kukabunga akamwi? Mpawo ubikk mpa iisiyene kunchito eezyo zibambilidwe bachete. Nzingana ziliwo?*

NJOOMO MUMBUNGA MPATI

1. Bantu bamucheengele bayeeyayi aatala ansondo?
2. Bantu bamucheengele bayeeyayi aatala azichitwa aansondo?
3. Bantu bamucheengele bayeeyayi abana Kkilisito?
4. Balayanda na kuza kunsondo bantu bamucheengele naa bayanda kuswayilwa kuyotambwa?
5. Ubonaanga aanga bantu bamucheengele balamvwa biyeni kuti kwategwa nsondo tiichiwo?
6. Ubonaanga eezi zilamubotezya na Leza?

Isaya 58

Isaya wakalikulembela bana Isirayeli kabali mbantu bamukowa wakasalwa aLeza. Mbimbabo chitondezyo chansondo sunu.

Bala muli Isaya 58:1-10 mpawo muzuwisyanie:

- Bantu bakali kuchitayi?
- Leza wakabavwiila biyeni bantu aba?
- Nkaambonzi Leza nakavwiila oobu?

NJOOMO MUTUBUNGA TUNIINI (BANTU 4-5)

Kumbila kabunga akabunga kuti kafwiinsye lwaano oolu kwiinda mukweenga mufanikisyo na kulemba biyo munchali womwe.

Nibamaninsya, buzya kuti bayeeya kuti mizeezo eeyi yaambanzi kunsondo ya sunu.

Mwinyo aMumuni

NJOOMO MUTUBUNGA TUNIINI NAA MBUNGA MPATI

Bala kuli Matayo 5:13.

- Njiil imwi milimu yamwinyo?
 - *Kusalazy, kukasya kubola kwazintu, upa kunona.*
- Nkaambo nzi Jesu nawamba kuti banaKkilisito “mwinyo wenyika”?
 - *Tweelede kuba zitondeezyo zibotu kumasena nkotukkala. Tweelede kweeta buntu bwesu busalazy akuchita kuti masena ataboli. Chaamba kuti tweelede kunobona zyeengele zyesu kaziba loko mbuli Leza mbayanda, peepe munsu.*
 - *Munzila njiyeeyo yakuti mwinyo muche ulakonzya kusandula bunone bwachintu, akulako bana Kkilisito bache balakonzya kweeta busandu mucheengele.*

Bala Matayo 5:14-16.

- Mboobuli mbutunga tulamunika loko?
 - *Akuchita milimu mibotu.*
- Njiili yeelede kuba mpindu yakuchita zintu zibotu?
 - *Taata wesu uulikujulu ulalumbayizigwa.*

Twaano twaMwinyo aMumuni

NJOOMO MUMBUNGA MPATI

Bala Lwaano 1 – Zizwaato Saris (Dresses) zyabanakazi bachi Hindu

Bantu banjila nsondo eeyi balilanga mbuli bantu balangilwa aansi alimwi kabali bakabunga kaniini.

Bakalikuyoowa kukambawukila batali bana Kkilisito. Musule akwiiya kuti bakeelede kutondeezya luyando lwachi Kkilisito kubantu boonse, mukambawusi wabo wakasungwaazya banakazi kuti bachite mfunkununo aatala azintu ziyandikana mucheengele mukati kamviki yakali kutobela.

Kunsondo yemviki yakatobela banakazi aaba bakakwaamba kuti bakajana banakazi bachi Hindu bakalikusika kkumi ababili bakali achakuzwata chomwe awumwi awumwi. Muchiindi chakupya ngubo eeyi ilasapwa abuzuba abuzuba. Aboobo na yasapwa ngubo eeyo, wachanakazi ooyo welede kukkala mung’and kuyosika mane iyume eezuba. Mukambawusi wakabuzya kulibasinsondo kuti bakaliwo na bakali aangubo zintu bakalikukonzya kwaabila yomwe kulaabo banakazi bachi Hindu. Bakazulila banakazi bakalipeda kugwasya boonse bakajanikide kabalepenzi. Mumviki yakatobela, basinsondo banakazi aaba bakaswayila muunzi amuunzi wakali aabanakazi bakali aangubo yomwe kuyobapa ngubo yachibili. Banakazi bachi Hindu aaba bakabotelwa loko azyakachitika eezi mpawo bakakumbila banakazi bachi Kkilisito kuti baba komeble. Bamwi baHindu bakali aamala bakakumbila banakazi bachi Kkilisito kuti bakombele bana babo bakali mwida

Mubale Lwaano lwabili 2 – Maanzi KuCheengele

Muli bumwi busena bantu bakalangene apenzi pati lyamaanzi. Musule akwiiya kuti nchiyandisyo cha Leza kuti nsondo ikonzye kugwasya bantu, bapati bansondo yamucheengele bakayeeya kuti bayandule muzeezo wakugwasya atala apenzi lyamaanzi eeli. Bakajana kumwi nkubakali kukonzya kujana zyakusisya zikala pesi kazibbadalwa. Kukusanguna bantu bakawukaka muzeezo ooyo – bakayeeya kuti maanzi alikule loko, alimwi bakayeeya kuti kansinga zikala zyakusya aamaboko zyakali kukonzeka, nkaambonzi nizyakatasigwa kuzwa chiindi? Pesi bapati bansondo bakayeeya kuti beezye. Bakakuzitola zyakusisya. Bakaza aazyo batalika kusya chikala kusule aansondo yabo. Maanzi nakajanika muntu woonse wakabotelwa loko.

Batali basinsondo tebakabotelwa pe, bakayeeya kuti bansinsondo balikunobakasya kuteka. Pesi basinsondo bakatamba muntu woonse kuti asike bazowaabane muluyando lwa Leza lwakuvula kwamaanzi muchikala.

Musule lyakayindi, abo biimvwilidi zyeengele bakasanguna kubuza kuli basindo kuti bakali kukonza na kugwasiza kuya zikala kuli amwi masena. Basinsondo bakazumina chakwaangunuka. Nikwakiinda biyo munyaka omwe kwakali kwasigwazikala zyiinda kkumi lilamusanu yakasigwa amaboko, chimwi chankuko maanzi akajatilwa kule loko.

Nkaambo kakuti nsondo yakatondeza luyando lwa Leza kucheengele choonse bantu bakabotelwa loko alimwi kwanoonga bantu nibatambwa kuzomvwa jwi lya Leza bakalikuza mubwiingi bwabo. Bakalikuyanda kumvwisisya atala aleza wakabeetela maanzi

NJOOMO MUMBUNGA MPATI

- Niinzi chakachitwa ansondo eezi?
- Zyakali nsondo yakali aabuvubi bwiingi na?
- Niinzi nchibakabelsya?
- Bakazichitilaanzi zintu eezi?
- Zyaakeenda biyeni musule anchito zyabo?

Mbelele aMpongo – Matayo 25:31-46

NJOOMO MUMBUNGA MPATI

Zyakutobeleza Kumweendelezi: Bagwasye basikwiya bamvwisisye kuti chipati chilikwaambwa mulwaano oolu nzintu zijatika. Jesu taakwe nakati “Ndakali aanzala mwandipa bbuku lyakubala” nakuti “Ndakali muchibbadela mwanditumina nkombyo yakuswiiliza”. Zyoonse yakugwasya eezi yakalizintu zyalikuchitika kazijatika akuboneka. Nzila yakumana mapenzi ziboneka.

Bala muli Matayo 25:31-46







1. Zyakasiyene aali mbelele ampongo?
2. Nzeezili zimwi zintu yakachitwa ambelele? Nzintu zyamuyya nakuti zijatika?
3. Ntungane aawo nsondo yanu nichita eezyo yakadombolwa a Jesu?
4. Niinzi chinga chilasanduka mucheengele chako nakuti basinsondo yako bonse bachita zintu eezi? Zimwi nsandulo zinga zilalangilwa:
 - Balaba akuyanda nsondo eyi loko
 - Buumi bwabo bulasanduka
 - Banoli baangunuka loko kuyanda kwiiya zya Leza

Nzila Zyakugwasya Bamwi

NCHITO MUTUBUNGA TUNIINI (SG)

Zyakutobeleza Kumweendelezi: Akamwi kabunga kaniini kape pepa lya ‘Nzila Zyakugwasya Bamwi’ kuzwa ku **ZITONDEEZYO ZIBONEKA.**

Yeeya imwi mizeezo iinga ilabelesegwa ansondo mukumana mapenzi aasiyene. Belesya chaati lila 5.2 lya Nzila Zyakugwasya mpawo mubelekele aantoomwe kulizuzikizya. – nzala, nyota, meya, kubula aakukkala, kuchiswa, muntolomgo. Mubelesye chaati lya ‘Nzila Zyakugwasya’ mubeleke aantoomwe kulizuzikizya.

Chiimo	Nzila Nsondo Nziinga Ilagwasya Aazyo
Nzala 	
Nyota 	
Meya 	
Kubula aakukkala 	
Kuchiswa 	
Muntolongo 	

Chiiyo 6: Zimwi Nzitunga Tulagwasya Kulinzizyo

Muzeezo Mupati

Leza uyanda kuti tugwasye kumapenzi woose aandeene alimuzyeengele nzitukkala. Uli aachiyandisyo chibotu aatala abukkale bwesu.

Zyakubelesya

1. Bbuku lyaSikwiiya lyakulisalila (SG)
 - a. Mukambawusi Wong amibuzyo
 - b. Kaano kaJose aMaria

Chilengaano chaMukambawusi Wong

NJOOMO MUMBUNGA MPATI (SG)

Zyakutobelezya Kumweendelezi: Pandulula kubayiyi kuti nduwe sikubaambila lwaano. Nibazwa kuswiilizya, beelede kuswiilizya kunsandulo zyamibuzyo iitobela.

- Ngaali amawi mapenzi aajanika ucheengele chaMukambawusi Wong?
- Chakaliinzi chiyandisyo chaLeza aatala acheengele eechi? Mulange alimwi penzi mubone kuti Jesu wakali kuyabupa nsandulo ili.
- Jesu niinzi nchaakambila Mukambawusi Wong kuti achite?

Mubale lwaano lwaMukambawusi Wong.

Kwakali umwi mukambawusi wakasondo kakali kaniini mubusena bwakali abuchete bupati pesi kabuli kumbali adolopo pati. Zina lyakwe wakalikutegwa ngu Wong. Wong wakalikuzwa kusika biyo mubusena oobo nkaambo wakayeeya kuti Leza wakali wamutuma. Nsondo yakali niini – yakali aampango zyakali kusika makumi aane. Biingi bakali banakazi abana. Wong wakali aamillimu yobile. Wakalikubeleka mulimu wakuti akonzye kugwasya mpuli yakwe mukayintu abana baniini bobile mpawo wakalikubeleka keezya kuti ayendelezye nsondo yakwe eeyi.

Limwi zuba mbuli mazuba woose mbakazibide kuchita, wakabuka kubuchedo kuti akaswaanane aLeza. Wakabuka wazwaata wazwa oobotu oobotu kataluka mulembo wakali kugaanuna nga'nda yakwiizizya akooko nkubakali koonka nkaambo nga'nda yakali yomwe, alimwi wakasiya bakayintu abana kabachilede. Wakayasya kagabba kalampi lyakwe. Wakasanguna kubala mu Bbayibbele lyakwe. Oobu buunsi wakali kubala kuli Isaya, 58, mpawo wakalikumvwa kulila kwaLeza aatala anzila yakulumbayizigwa njayanda.

Oku teensi nkuko na kulyiimya nkundakasala: Ikuti kwaangununwe nketani ziyakutyolwa kwamilawu akwaangununa aabo badyaamizizigwe? Teensi nkuko na kwaabana chakulya abaabo balenzala akupa aakukkala kuli ooyo ubulide busena – nimubona balichinkuna, mubazwatike akutafutatila nyama abulowa bwanu?

Taakwe nakachili kwinkila kunembo pe Wong. Moyo wakwe wakalwana amizeezo yakwe. Nkaambonzi Leza nabayanda oobu bachete awo alakwe kali mukati kabantu bafwaba kabali koomba nkaambo kabuchete alimwi eezi ziyakamuchisa? Wakalizi kuti bakalikoomba biyeni bantu bamucheengele chakwe. Bakalidyamizizigwe loko. Nchaanzia nguwe takalikujana kulya kuzulila mpuli yakwe pe alimwi chimwi chiindi teensi wakali kukonzya pe kuulila bana bakwe minsamu nibanoonga bachiswa. Wakayeeya, “Ulikuli Leza? Eeli jwi linjila biyeni awa akubula kuli aabantu bamomuno mu Las Pavas?”

Kachilwana amizeezo yakwe, wakamvwa kukonkomona kuuba amulyango. “Anga ulabani ooyo mbuleeno?” Wong wakayeeya. Wakayinka kumulyango. “Ngwani?” Ijwi lyakali amulyango lyakasandula kuti “Ndime Jesu, Wong.” Lyakasandula jwi. “Nduweni loko?” wakabuzya Wong. Lyakasandula lubo jwei, “Wong, ndime Jesu. Ndasika nkaambo ndamvwa kulila kwamoyo wako. Ndiyanda kuti unditondeezye chilikuku kataazyana.”

Ijwi lyakalikumvika loko kalili lyamuntu upona. Wong wakajula mulyango. Kwakachili kusiya alimwi Wong wakabona muzuzumbwe biyo, pesi wakalikuboneka mbuli nzyaakali kuyeyeyela kuti mbabede Jesu. “Njila oMwami,” Wong wakaamboobo. “Peepe, Wong, ndiyanda kuti unditole mucheengele chako ukanditondezye kuti nzezili zilikukatazya moyo wako” Kachigambide, Wong wakazumina, wakamuchenjezya kuti, “Tweelede kweenda katuchenjede nkaambo kwalikuwa mvula mpati loko, kuli butope bwiingi loko alimwi tatukwe zimbuze pe.”

Nibakali kuyabweenda mukati kamigwagwa yagunzi eelyo, Wong wakali kuyabwaambila Jesu atala atwano tuli atala awumwi awumwi muunzi ngubakali kuyabwiinda. Wakamwaambila lwaano lwawumwi muunzi ngubakayinda wawumwi mwanakazi wakalikuuza mubili wakwe kuti akonzye kujanina bana bakwe chakulya. Kwakali umbi lubo awo kwakali mwaalumi wakali kukolwa loko wanoonga nakolwa ulawuma kubanakwe abana – eezi zyakalikuchitika chiindi choonse. Kunembo kwakali muunzi wawumwi mwaalumi wakali kulipa bukkulu bwatundulwa kabbida bantu mali mukubeenena kuti ulapa kuti magesi asike mumaanda aabo – pesi mali eeyi wakali kwiinywa bukande.

Bakiinda akati kacheengele awo kwakeelede kupangwa bbuwa, pesi kwakali kwazula tombe akununka amakkoswe. “Wayibona na ng’anda iilya?” wakabuzya Wong, katondeka kukaanda kazakede afwifwi akalundu. “Mukkala mwanakazi ulabana bane. Kaluli kalazuya – loko. Balafwaba. Chakuluya nchibajana nchiche loko alimwi zizwato zyabo nziche, chiindi chiingi bakkala kabachiswa.” Awa bakali baba kumbali loko akalundu ako kayakilidwe busena bwa Las Pavas. Wong wakatondeka kule kule. “Okuya kungsi nkonkuko nkubateka maanzi banakazi abana, tamukwe maanzi pe omuno mu Las Pavas.”

Wong wakasanguna kuti azyunguluke, wakatalika kumvwa muntu wakali kulila kalilila aansaansi. Wakalanga kwakalikuzwida kulila oku. Wakabona kuti ngu Jesu wakali kulila. Wong wakabona kuti zintu zyakali kumuyasa aamoyo nziyo zyayasa Jesu aamoyo. Wong wakasanguna kwaambula mpawo Jesu wakatambika maboko aakwe kuli Wong wamumbungatila, mpawo wati, “Wong, ndiyanda kuti ubone kuti ziyandisyo zyangu zyoonse zili aatala a Las Pavas.”

Mpawawo, Wong wakalijana kalangide aansa mubusena bwa Las Pavas. Jesu wakasanguna kwaambula, alimwi Wong wakasanguna kuzibona zintu nzyalikumwaambila – zyakalikuchitika! Jesu wakalikwaambula aatala abantu bamunsondo ya Wong, abuchete bwabo bakali kwaabana ziche nzibakalazyo abasimabambanwa babo bachete loko. Abuzuba bakalikubikka kumbali chakulya mubuche buche mpawo munsondo banoonga babungania aamwi ikuti bazoowabane abamwi batakwe muzina lya Jesu. Bakachita mbuboobo akunsipa. Banakazi bamunsondo bakaswayila bamuka mufu bamubusena oobo, bakabatola akubagwasya, kusapa, kujika akubagwasya kubalangila bana muchiindi chakuchiswa.

Jesu wakambuula atala akunjila mulimu, alimwi Wong wakazibona kuti bantu bakali awo mulimu. Peepe milimu ipa mali nyiingi, pesi milimu yakalikulemekeka alimwi kiijanja mali iipa kuti mapenzi maniini amane. Jesu naakambuula atala amaanda Wong wakabona kuti twaanda twakali kuzuza ootu twalikukonzeka kusandulwa kuba maanda mantuloko. Katali maanda mapati pesi kali maanda agwasya kuti bantu tabanjilwi mpeyo alimwi kali aabusanambi. Jesu wakambuula atala amaanzi, mpawawo kwakaba ma payipi amanza mumasena alaafwiifwi akuti bantu balikukonzya kujana maanzi aasalede. Jesu wakambuula atala abusanambi, zimbuze zitali zyamunzi amunzi pesi zyakali kuzulila kuti bantu balikunobelesezyania kabajana busanambi buntoloko. Mpawo idwi lyatombe lyakali aabbuwa lya cheengele lyakamana. Pesi kwakaba tuteyo tumenede kakuli bana baniini bakali

kusobana bbola abusena oobo. Jesu wakambula lubo aatala abuumi busandwidwe, mpawo Wong wakabona mwanakazi wakali kuuzya mubili wakwe kuti ajanine bana chakulya kali waba aamulimu ulemekeka. Sikukolwa wakali wasanduka waba mwaalumi ulaluyandao kubana akubanakwe. Sikubbida bantu mali wakali wachila chakubelekela bantu kabotu waleka kubabbida.

Mpawo Jesu wakati, “Wong, langa sondo!” Wong wakalanga. Yakalizwide. Mwakali baalumi! Bantu bakali kondedwe. Bakali kutembawula Leza abubotu bwakwe. Nguulya Wong wakalikukambawuka, wakali kuyiisya akuzulwida bantu muMuya amuluyando. Jesu wakati “Mubono ooyu tukoyo zuzikizigwa pe, mane ndikaboole, pesi nchenchicho ncheyanda kuti chichitike kubusena bwa Las Pavas. Ndiyanda kuti waabe mubono ooyu mpawo mutalike kubelekela kuuzuzikizya.”

Wong wakasanguna kukazya, “Pesi Mwami, tulibachete loko!” “Wong,” wakabuzya Jesu chuumunizi, “Ngwani wakazulwida ban aba Isirayeli kuzubuka Lwizi Lusala? Ngwani wakavuzya chinkwa abaswi wapa chakulya kuzyuulu zyabaalumi abanakazi aabana? Ngwani wakapa kuti mafuta abusu bwamwanakazi waku Zarefathi tabumani chakapa kuti akonzye kupa chakulya kumpuli yakwe kwamyaaka yotatwe yenzala? Ngwani wakayimika mayuwe alwizi lwa Galilaya?” “Nduwe wakazichita Mwami,” wakaamboobo Wong. “Aboobo, Wong, teelega utobelezwe nzindakwaambila kuti uchite. Aabana abamwi nzulazyo, niziba ziche. Ambuula aatala aluyando lwangu lubotu kubantu bako, mumuuya amubukkale. Mpawo ndilachita kuti nyika yako ikapone!”

Wong wakamvwa mukokoliko kukokolika, banakwe bakakola kuli limwi bbazu lyamulembo. Wakalikkede atebuli, pesi lampi lyakwe lyakali lyazima. Kwakali kwaya kukusalala. Wakayanduula kuti abone Jesu, pesi taakwe nakamubona pe. Wakalibuzya, “Sena ndalikuulota? Nakuti ndabona mubono?” Taakwe nakaziba pe, pesi wakaziba kuti waswaanana a Jesu akuti wakali waba akumvwisisiya Leza kupya aatala aluyando lwakwe kubantu bachete Antoomwe amubono mupya mbalikuno zulwida bantu bakwe kuti batondezwe luyando lwa Leza mucheengele chakwe.

NJOOMO MUTUBUNGA TUNIINI

Zyakutobelezwa Kumweendelezi: Baanzanie balikwiya babe mutubunga tuniini. Yindulula mibuzyo mpawo ubaambile bazuwisyane aatala ansandulo aantoomwe. (SG)

- Ngaali amwi mapenzi ajanika mubukkale bwamukambawusi Wong? Alembe abe muzibaka zine mapenzi aaya, waape mitwe yamakani iitobela: Zyamuuya, zyabukkale, zijatika, azyamu boongo.
- Ncheechili chiyandisyo cha Leza kubantu bakwe? Langa penzi alimwi uyandule nsandulo zyakapegwa a Jesu zinga zilamana penzi eelyo.
- Jesu wakati Mukambawusi Wong achitenzi?

NGAMBO ZIBOOLA

Wayiiaayi mulwaano lwaMukambawusi Wong amibuzyo yanjoomo?

- *Leza ulachiyandisyo chibotu chabukkale oobu kulizyoonse zyabukale azyoonse ziboneka akujatika.*
- *Jesu wakambila Mukambawusi Wong kuti abbulule nzyayanda kuchitila busena bwakwe.*
- *Kuba muchete tensi penzi pe kuli Leza. Tweelede biyo kumuswiiliza.*
- *Leza ulasilika nyika yesu na twatobelezwa nzila zyakwe.*

Kwiiya Bbayibbele

NJOOMO MUMBUNGA MPATI

Baa kuli Jeremiya 29:11

- Ngaal mabambe aaLeza kulindiswe? (*kutuzwidiliza, peepe kutuchisa, kutupa bulangizi, kuti tupone (i.e. kuba alyajuunza)*)

Cheengele chaMukambawusi Wong chakalangene abubwaamu, kukolwa, lupyopyongano, busyachivulemwangu, aantoomwe abuchete bupati loko. Bantu teensi bakalikwe maanzi aasalede, chakulya, alimwi bakali kukkala mubusena butakwe busanambi. Pesi eezi TEENSI nzizyo pe Leza nzyakali kuyandila bantu bakwe muleechi cheengele. **Leza uaachiyandisyo chibotu kuzyeengele zyesu.**

Bala 2 Makani 7:14

- Niinzi Leza nchayanda kuti bantu bakwe bachite? (*tulibombye, kukomba, tumuyanduule, tusanduke kuzibi zyesu*)
- Nsandulo yaLeza ilaba iili kuti twazichita zintu eezi? (*ulamvwa nkombo zyesu, ulalekelela zibi zyesu, akuponia nyika yesu.*)

Tulabona busanduaawo nitusanguna kupona munzila ilemeka Leza. Mukuli wesu mbuli nsondo ngwakoompolola bubotu bwaziyandisyo zyaLeza akumana mapenzi ngitubwene, kuti twatobela nzila zyakwe, Leza ulaponia nyika yesu.

Lwaano Lwachiyo IwaJose aMaria

NJOOMO MUMBUNGA MPATI (SG)

Zyakutobelezya Kumweendelezi: Kumubizyo awumwi, zimwi nsandulo zyakalembwa munzi mumabbi aasendekede. Yeeya kuti teensi nzizyo aazilikke nsandulo mbotu, nziimwi biyo.

Amuchite aanga chengele chaMaria aJose chilakozyania achenu.

Nga'anda yaJose aMaria yapy; taakwe nichiba chomwe chazwa. Jilo – abana babo bali musanu bakakukkala kulibamwi basinzubo zyabo. Pesi munga'anda njibakakukkala muli bantu kale basika kumi alimwi ng'anda eeyi niniini loko, tabazulili pe abambi bantu musanu ababili. Jose mulimi alimwi wakali wamana kale kubyala muunda wakwe muniini pesi kuchili imbi myeezi itatu kunembo kuti akatebule. Wakabelesya mali yoonse njakali aayo kukulimya mpawo nzyoonse nzyakali aazy mung'anda zyakapya

Nzeezili zimwi zintu zinga zilayandwa ampuli eeyi?

- Chakulya
- Ng'anda
- Zizwaato
- Zilongo zyakijisya
- Aakoona nibachiyakulula yabo ng'anda

Nzeezili zimwi zinga zilajanika mucheengele zikonzya kugwasya?

- Bantu
 - Banga balagwasya kuyaka nga'nda mpya
 - Bantu banga balagwasya kujikila aabo banoyaka
 - Banogwasya kulela bana
 - Banogwasizya kusimya mpuli
 - Banogwasya kuyiila aawo akapyida nga'nda
 - Balupati kuli fulumende bakonzya kupa lugwasyo lwakufwaambana.
- Zyakubelesya
 - Mipika azyakujikila nzibatabelesyi bamwi
 - Kulya

- Zizwaato
 - Matebwe
- Ziiyako
 - Aakukkala

Cheengele Chesu

NJOOMO MUTUBUNGA TUNIINI

Na kokonzya, kumbila kuti bantu bali mutubunga beendende mucheengele kwakayindi kuchitila kuti baliyeezye atala amapenzi ajanika mubukkale bwabo Mpawo sandula mibuzyo itobela:

1. Ngaali amwi mapenzi ajanika mubukkale bwenu?
2. Uyeeya kuti nzeezili ziyandisyo zya Leza aatala amapenzi ngwaswaana?

NJOOMO MUMBUNGA MPATI

Zyakutobelezya Kumweendelezi: Belesya nzila yakuvvoota ambuto kusala mapenzi mapati aatatu kuzwa kuli aayo aadombolwa atubunga.

Nzila zyakutobelezya mukuvoota kwambuto:

Pa muntu amuntu nseke zilikumi (tulakonzya kuba tusamu, mabwe, matu na zimwi biyo nzimunga mulabelesya) mpawo ubaambile kuti bazyaabanie kumapenzi, kababikka mbuto nyiingi kuli aayo mapenzi ngibayeeya kuti mapati. Bikka aantoomwe mbuto zybikkwa kulilimwi alimwi penzi, eelyo lilenyinyi ndyepati, litobela ndyabili mapwo litobela lubo ndyatatu.

- Niinzi Leza nchalikwaambila nsondo yenu kuti ichite?

Amubweze mapenzi aatatu ngimadombola mapati, mpawo kuli limwi alimwi mulange kuti niinzi nchumulaacho mubukkale bwenu chinga chilagwasizya. Amwaambuula aatala abantu banga balagwasya, zyakubelesya, imali, azimwi ziliwo zinga zilagwasizya kumana mapenzi.

Amukombe aantoomwe aatala akuti niinzi nchimutachite aatala azezyo nzimwayooma.

Chiiyo 7: Nsamu YaBwami (+-*)

Muzezo Mupati

Abalabo bachete kwiindilila balakonzya kupa. Nibachita oobo balabona Leza kayungizya kweezya kwabo munzila mpati izigambya.

Zyakubelesya

1. Zitondeezyo Ziboneka:

- Seti 1: Isaya 40:29 Zitondeezyo (makkwa aalimusanu/seti yomwe biyo)
- Seti 2: Zinkwa Zilimusanu, Baswi bobile mutupepa (Akamwi kabunga kajane kapepa komwe)
- Seti 3: Elija & amuka mufu mutupepa (akamwi kabunga kajane kapepa komwe)
- Seti 4: Mukamufu amakobili obile mutupepa (akamwi kabunga kajane kapepa komwe)
- Seti 5: Lwaano lwazipo mutupepa (akamwi kabunga kajane kapepa komwe)

Zyakutobelezya Kumweendelezi: Muleechi chiyo nduwesikwaana lubo twaano tulimusanu twamuBbayibbele mpawo ukumbi bayiyi babumbe “bweendelezi bwakuchita nsamu” kuzwa kulwaano kamubelesya zitondeezyo ziboneka. Na bantu bako kabatakwe busongo buzwide aatala azyansamu amyeelwe belesya biyo makkaadi aapandulula nzibali aazyo kusanguna anzibaba aazyo lino. Buzya, “niinzi chisiyene akati kamadwi obile aaya? Bantu bazwa biyeni kudwi lyakusanguna kabaya kudwi lyabili?” nsandulo nguLEZA. Chita kuti bamvisisisye kuti Leza nguwe wakapa kuyungizya ooku

Manjililo: Isaya 40:29

Mwakalina zibona na kuti Bbayibbele lilijisi nsamu mulindilyo? Muleechi chiiyo, tulalanga zimwi nsamu zijanika muBbayibbele.

NCHITO MUMBUNGANO MPATI

Bala kuli Isaya 40:29. Pandulula kuti eyi njiniyo itabe vesi mpati mukulanga chiiyo eechi.

- Ngwani usimide? Ngwani uutakwe manguzu?
- Leza utuchitilaanzi?
- Tulakonzya na kubikka vesi eeyi ibe nsamu? Atweezye...

Zyakutobelezya Kumweendelezi: Naa koli ambunga mpati, sala bantu balimusanu baze kunembo mpawo ubape awumwi bbala lilangene aansamu (belesya chitondeezyo chama kkaadi cha **CHITONDEEZYO CHIBONEKA**: Makkaadi Seti 1). Mukabunga kaniini bikka aansu makkaadi woonse mpawo mubeleke aantomwe mukuchita kuti makkaadi aaya akkale munzila yeelede.

“Kubula kwesu manguzu x Leza = Manguzu”

- Niinzi nchitunga tulayiya kuzwa ku vesi eyi – “nsamu”?
 - Leza nguwe uuyungizya
 - Mangu aaLeza ngawo makoloondo, peepe kubula kwesu manguzu.

‘Mulome aChisusulo Chakwe’: Johane 6:1-14

Zyakutobelezya Kumweendelezi: Mutwaano ootu tulimchiyo eechi, libambile kutwaana munzila iinoneezya.

Kwakaliwo umwi mulombe. Wakamvwa kuti muyiisi wakazibinkene ulasika kuLwizi Iwa Galilaya alimwi wakalikuyanda kwiinka kuyomumvwa kalikwaambuula. Wakakumbila kuli banyina, pesi bakamukakila. Kwakali

kule alimwi chisusulo chakali chaamba kubizwa. Wakabanyengelela banyina lumwi bamuzumizya. Bakamulongeleta chisusulo chakwe munkomwe mpawo wakeenda.

Nakasika aabusena oobo wakajana bwazula kale abantu. Mbuli awumwi awumwi mulombe muniini, wakeezya kulisyanikizya mane wakusika kunembo. Mpawo wakajana busena mbwaakali kukonzya kumvwa akubona muyiisi kalikuyiisiya oobotu. Yakamugambya nzila njaakali kuyiisiya aayo ooyu muyiisi azintu nzyaakali kwaambuula. Aboobo wakaluba akuti teensi wakalinalya chisusulo chakwe.

Musule lyachiindi chilamfu, wakatalika kumvwa nzala, wakayeeya chakulya nchibakamulongelete banyina. Wakeezya kuti alye pesi wakayoowa kulangwa.

Mpawawo muyiisi wakaleka kuyiisiya waambila basikwiiya bakwe kuti bape bantu chakulya. Mulombe ooyu wakalangalanga wabona kuti bantu bakali mbavulisiya basyankana. “Ibo,” wakagamba, “balakonzya biyeni kubapa chakulya bantu boonse aaba?” Kachiyeeya oobo basikwiiya abalabo bakali aamubuzyo ukozyenie awakwe mpawo umwi wakabuzya kumuyiisi kuti balikunoyijana kuli mali yakuula chakulya chalikunolya bantu boonse aabo. Zyalikunotola mufolo wamuntu wamwaaka woonse kuti kuulwe chakulya.

Muyisi wakabuzya kuti “Niinzi nchimuli aacho?” Mulombe ooyu wakasanguna kusisa chisusulo chakwe, pesi wakali wachedwa nkaambo umwi sikwiiya utegwa Andulo wakali wamubona kale. Wakati “Muyiisi kuli zinkwa zilimusanu atuswi tobile.” Muyisi wakasandula wati “amuzyeete kulindime.” Kujana waziyeeya na zyakazochitika aawo.

Andulo wakati kumulombe, “Muyiisi uyanda chisusulo chako.” Wakazumina mulombe ooyu kupa Andulo chisusulo chakwe, mpawo waakuchipa muyiisi.

Jesu wakatola chisusulo chamulombe ooyu mpawo wapa kulumba, wakasanguna kukwamuna chakulya eecho. Mulombe wakalangisisya mukugamba aawo basikugwasya nibakaliswini nkupa bantu chakulya. Muntu woonse wakalikulya alimwi wakiinkila kunembo akulya dokukkuta. Nakalanga wakabona zisuwo zilikumi azibili zyachakulya chakasyaala.

Kwakamulampila kuti afwambane akasike kung’anda akambile banyina zyakali zyachitika. Wakayabuchijaana nzila yoonse alimwi wakaambila banyina kakondedwe loko atala azyakali zyachitika kuti chisusulo chakwe chalkakutya bantu bakali baalumi basika zyuulu zilimusanu mpawo kwakali banakazi abana! Bakamucheba banyina bati, “Mwanangu, ntungane nkekwaambila kuti tonobeji!”

- Lwaano olu ngatulalubikka byeni kuti lube nsamu?

NCHITO MUTUBUNGA TUNIINI (BANTU 3-4)

Zyakutobelezya Kumweencdelezi: Akamwi kabunga kape kapepa kalwaanpo “Mulombe achisusulo chakwe” (**CHITONDEEZYO CHIBONEKA** Makkaadi Seti 2) (belesya eezyo zili a 7.2). Nakuti ulembe zitondezyo zipati mpawo utedi mbunga ibelekele antoomwe kuchita nsamu. Bagwasye kuti bajane nsandulo. Kutu mbunga mpati yasanguna kuchita nsamu eeyi akubikka aantoomwe ziyandikana zimwi zyankuko balakonzya kuzicita mutubunga tuniini.

Nsandulo: “mulombe + zinkwa 5 + baswi 2 x Leza = Chakulya chabaaalumi 5000 + chakulya chabanakazi abana + zisuwo 12”

Eeyi nje nsamu yaBwami!

NJOOMO MUMBUNGA MPATI

- Jesu wakalikuyanda mulombe ooyu na achisusulo chakwe? Yakaliwo na imwi nzila njaalikunopa bantu chakulya?
- Nkaambo nzi Jesu naakasala kubweza chakulya chamulombe ooyu?

Nituchiyeeya aatala amibuzyo eeyi, tulayinkila kunembo akuchita zimbi nsamu, imbi Nsamu yaBwami.

‘Mukamufu aChilalilo Chakwe Chakumaniniza’: 1 Baami 17:7-16, 18:1

Chakali chiindi chiyumu loko mulwaano loonse lwa Isirayeli. Eyi nyika yakalagana apenzi lya nzala kwaminyaka yotatwe ilachimpanzi. Bantu bakalikufwa. Alakwe Elija, Musinsimi wa Leza wakafwaba.

Pesi Leza wakapa kuti mukamufu amubambe Elija. Awo Elija nakali kuyabweenda mudolopo, wakabona mwanakazi wakali kubwezelela buyokoyoko mpawo Leza wakamwaambila kuti ayinke kulinguwe akakumbile “Maanzi akunywa munkomesi.” Wakazumina mwakazi ooyu kweta maanzi pesi katanayeta maanzi Elija wakamukumbila lubo kuti amweetele chinkwa chakulya nansya we amwanaakwe kabatanalya.

Wakasandula mwanakazi wati, “Mbuli mbapona Leza, ndilaachakulya biyo chakuti tulye amwana wangu mpawo kuchaale kufwa nkaambo tachichiwo pe chimbi! Elija wakasandula wati “Utayoowi, Leza ulakupa.”

Wakafutata mwanakazi waya kukujikila Elija chakulya atusu atufuta twakali twachaala. Wakazoba akugamba kupati nkaambo wakali wabelesya zyoonse nzyakali aazyo kujikila Elija, wakajana zikopo zyakwe nzyakali kubikila busu amafuta kazili zyazula lubo mbuli tezyakaguminwe pe. Mwanakazi wakati kuli Elija, “Ndabelesya zyoonse nzindaleezyo kujikila nduwe mpawo zyaboola, alumbwe Leza!”

Bbayibbele lilitwaambila kuti Leza nguwe wakapa kuti Elija ajane chakulya chizulila antoomwe ampuli yamwanakazi oyu buzuba oobo antoomwe amazuba woonse anzala amyaaka yoonse yotatwe achimpanzi. Chigambyo.

- Tulalusandula biyeni lwaano oolu lube nsamu?

NCHITO MUTUBUNGA TUNIINI

Zyakutobelezya Kumweencdelezi: aabila nvilopu (**CHITONDEEZYO CHIBONEKA** Makkaadi Seti 3) mpawo chita kuti akamwi kabunga keezye kuchita nsamu.

Mutubnga twabantu balalwiiyo luaansi, bikka mvulopu zilamabala naa chitondeezyo cha:

- Mukamufu
- Chinkwa 1
- Kulya kwabantu batatu kwamyaaka yotatwe 3

Nsandulo: “Mukamufu + 1 Chinkwa x Leza = 1 chinkwa x Mukamufu, Mulombe aantoomwe a Elijah x mazuba 365 x minyaka 3 = zinkwa 3,285”

Eyi niNsamu yaBwami!

NJOOMO MUMBUNGA MPATI

- Wakali muchete na mwanakazi ooyu?
- Leza wakalaayo na imwi nzila yakuti Elija ajane chakulya?
- Nkaambonzi Leza nakati Elija aye kulimukamufu kuyopegwa chakulya?

- Nkaambonzi Leza nakakumbila chakulya chamulombwana chakalinchicho achilike?
- Leza ulabayanda na bachete abamuka bafu?

‘Mukamufu aMakobili Aakwe Obile’: Mako 12:41-44

Limwi zuba Jesu nakali mutempeli wakakkala afwiifwi ansangwa yakupeda zipo, wakabona bavubi kabayanda kweebwa akupa zipo zyabo. Umwi mwanakazi muchete wakalijisi biyo makobili aakwe obile. Nkaambo nzizyo zyoonse nzyakali aazyo, wakaba ansoni aboobo teensi wakayanda pe kuti bamwi bamubone, wakapa chipo chakwe chuuminizi, mbuli mukavwindi. Jesu wakabungania basikwiiya bakwe wati, “Ooyu mwanakazi wapa kwindi boonse.”

NJOOMO MUMBUNGA MPATI

- Jesu wakali kwaamba kutyani? Mboobuli mbwakapa zyiingi?
- Nkaambo nzi Jesu naakatamwaambila kuti “Peepe muchembele, eeyi mali mwiiyanda ndinywe kwiinda chikombelo.” Wakali kunozyaamba, pesi tazyambide pe. Nkaambo nzi?

Kwiinda kumwiimika, Jesu wakamulanga zwakwe akupeda kwakwe kwakumaninina. Kuzwa awo, lwaano lwakupa kwakwe lwakalembwa kuti bana mwiingi bakalubale. Nikuba mukuyeeza kuti oyu mwanakazi wakapa zyiingi, amunchobeni wakapa zyiingi. Minyaka yiinda zyuulu zibili ambulisunu bana Kkilisito bachilangila kuli nguwe. Yeeza kuti nzezili zintu ziyakegwa nkaambo kanchito yakwe. Nkwikndulula kupati loko kwiinda zyoonse. Wakapa nzyakalaazyo mpawo Leza wakazyiindulula. Ninsamu ya Bwami!

NCHITO MUKABUNGA KANIINI

Belesya **CHITONDEEZYHO CHIBONEKA** tupepa tunengedwe twakweeza kuchita nsamu

Nsandulo: “mukamufu + makobili 2 x Leza = minyaka yiinda 2,000 yachisungwaazyo!”

Yeeza balikwiiya kuti:

- *Leza wakati mulombe ape chakulya chakwe nchakalacho achilike...*
- *Wakambila mukamufu kuti ape Elija chakulya saansi, kachili nchichakali chakulya chakwe chakumaniniza...*
- *Wakazumina kuti ooyu mukamufu ape zyoonse nzyakali aazyo...*

NJOOMO MUMBUNGA MPATI

- Jeau wakati bachete tabeelede kupa na?
- Mpuchili na chitegwa “chicheelede” naakuti “tacheelede” kupa kuli Leza?
- Leza ulakulungeza na kupa kwabachete?
- Nzeezili zmwi nzila Leza nzyalungeza aazyo kupa kwesu?
 - *Zilaongezo ziyazintu zijatika*
 - *Kubona buumi bwabamwi kabusanduka*
 - *Kusumpuka kwazyeeengele zyesu*
 - *Kufutuka kwamawumi*

Mbukunga mulichimwi chiindi ngatwajana zilongezo ziyazintu zijatika, teensi mbukubede pe chiindi choonse. Chimwii chiindi Leza utulungeza aakutuchita kuti tube mukati kamabambe aakweeta busandu muzyeeengele zyesu naa kugwasya umwi muntu kuti aze kuli Kkilisitu. Chimwi chiindi ulatulungeza yii azintu zijatika. Tulayeezegwa kuli 1 Ba-Korinto 9:11 kuti kaambo Leza nkayinkila kunembo katulungeza nkakuti aswebo twiinkile kunembo katugwasya muzyiindi zyoonse kuchitila kuti alongezegwe Leza.

Lwaano lomwe lwakumaniniza. Aaka takanoneezi pe...

‘Lwaano LwaZipo’: Matayo 25:14-30

Kwakali mwaalumi wakali muvubi loko wakali kuyanda kweenda lweendo lulamfu. Katanayenda wakayita babelesi bakwe batatu. Kuli wakusanguna wakamupa makobili alimusanu, mpawo wakati, “Abelesye mane ndikaboole.” Kuli wabili wakamupa makobili obile mpawo wati “Abelesye mane ndikaboole.” Mpawo kuli watatu wakamupa kobili lyomwe wamuti “Libelesye mane ndikaboole.” Mapwo oyu mwalumi muvubi wakeenda kulweendo lwakwe.

Nichakamana chiindi chilamfu wakaboola. Wakabayita lubo babelesi bakwe batatu mbuli mbakachitide nakeenda akubuzya kuti bakachita biyeni nakataliwo. Wakusanguna wakamba kuti wakajana ambi makobili alimusanu atala ayaayo ngakapedwe. Kuli zeezi mwalumi muvubi wakasandula wati, “Wakachita kabotu. Wakasyomeka kuziniini lino wajana zyiingi.” Wabili alakwe wakati atala amakobili abili ngakapedwe wakajana abili lubo, alubo mwaalumi muvubi wakasandu wati, “Wakachita kabotu. Wakasyomeka kuziniini lino wajana zyiingi.”

Kumamanino mubelesi watatu wakasanguna kupandulula, “Ndakaziba kuti uli mwaalumi muyumu alimwi ndakayooya kuti lilandisweeka kobili eelyo, ndakakulisidila mpulili.” Kuli zeezi mwaalumi muvubi wakasandula wati, “Ulimubelesi mukandu!” Wakatola kobili lyakwe. Walilpa kumubelesi wakusanguna mpawo oyu wamutandila kunzwe kwaBwami bwakwe.

Eyi ayilayo ninsamu yaBwami. Atulange tubone...

NJOOMO MUTUBUNGA TUNIINI

Zyakutobelezya Kumweencdelezi: baaila mvulopu (**CHITONDEEZYO CHIBONEKA** Makkaadi Seti 5) mpawo chita kuti akamwi kabunga keezye kuchita nsamu.

Nsandulo: “mubelesi + 1 chipo x 0 (kutachita chintuu) = 0 kuyungizya + mubelesi kusowegwa mumudima”

NJOOMO MUMBUNGA MPATI

- Ngwani wakapegwa ziche? Pesi langa zyakazochitika!
- Leza tabayandi na bachete? Nkamboonzi nakatandilwa kunze aBwami?
- Ngaali mapenzi aliwo akubachete na tebamu swilila Jesu?

Masimpilo

NJOOMO MUTUBUNGA TUNIINI

1. Tulaangunukide kukupa na azezyo Leza zyatupa?
2. Nsondo yesu ilaangunukide kukupa na azezyo Leza nzyayipa, naa kuti tulalibelesezya atulikke?
3. Muli zili nzila nzitwakabona Leza katulongezya mulinzizyo aawo twaangunuka kupa aswebo?
4. Mboobuli busandu mbundinga ndilachita kuti ndibelesezye eezi nzila mubuumi bwangu akunsondo?

Chiiyo 8: Nchito zyaLuyando

Muzezo Mupati

Tulakonzya kuyanda bantu kwiinda mukuchita nchito zyaluyando. Nzezi ziboneka muchito zyaLuyando: zichitilwa kutondezya luyando lwaLeza, zichitwa mukulemeka Leza, zichitwa mumanguzu aaLeza, zichitilwa kuti Leza atembawulwe, zichitwa aazintu zijanika aafwiifwi, ziniini alimwi zyuuba.

Zyakubelesya

1. Chipu chiniini chazyakubelesya zijanika mubusena kunchito eeyi

Zyakutobelezya Kumweencdelezi: Eechi chiiyo chibikkilizya kuyubuluka zintu zilimusanu azibili 7 zyaNchito zyaLuyando. Eezi tusungwaazya kuti zichitwe biyo azitondeezyo zyamaanza kuchitia kuti tazilemi pe kukuzi yubuluka. Mbuli mukozyaznisyo – eechi chakuti zichitwa kutondeezya manguzu aaLeza chilakonzeka kuchitwa akusimya maboko kiutondeezya manguzu. Chakuti chichitilwa kulemeka Leza chilakonzeka kutondeezegwa amaanza aalikukomba. Aawo nolikuzibisya zyoonse eezi tondeezya mbukunga kulachitwa amaanza.

Manjililo

NJOOMO MUMBUNGA MPATI

- Nzeezili zimwi zintu nzimunga mwachita mbulli nsondo kuti mutondeezye luyando kuli aabo batali bana Kkilisito mucheengele chenu?
- Mbangana bantu balimukati?
- Eezyo zintu muzichita twiingi biyeni?
- Musala biyeni kuti muchite eecho nchimuyanda kuchita?
- Bantu bavwiila biyeni?
- Nkaambo nzi nimuchita eezi zinti?

Nchito zyaLuyando

Muzyiyo ziche zyayinda twalikuyeezegwa mbabayanda Leza bantu boonse. Twabona kuti twakalayilwa alubo kuti tuyande simayakilane wesu. Nchito zyaLuyando njiimwi nzila njituga tulachita aayo eezi zintu.

Nchito zyaLuyando ntulimu tuniini uchitwa ansondo mukutondeezya luyando lwaLeza muzyeengele zyabo. Chiindi chiingi eeyi milimu miniini iinga ilatola biyoo zuba lyomwe.

Kuli zintu zilimusanu azibili ziluleme Nchito zyaLuyando. Muleechino chiiyo ndiswe basikulanga zintu eezi zilimusanu azibili.

1. Zichitilwa kutondeezya luyando lwaLeza

Imwi mpalamo mpati yaNchito zyaLuyando nnjakutondeezya luyando lwaLeza kucheengele chenu.

Mulichimwi cheengele, nsondo yakayeeya kugwasya umwi mwanakazi wakakwetwe mwaalumi wakali mupati wakabunga kabilupopyongano mubusena oobo. Bakalikuyoowa nkaambo ooyo mwaalumi wakazibinkene kali muntu uunyema loko kuti waswaana nikaba kantu kaniini. Nikuliboobo, nsondo yakalikuyanda kulemeka Leza. Bakalinda kusika chiindi ooyu mwaalumi nakeenda kuya kulibumwi busena, mpawo bakagwasya mwanakazi ooyu kutebula muunda akubamba zilyo kuti zikonzeke kusammbalwa. Naakaboola mwaalumi ooyu wakajana zilyo zyoonse zyatebula alimwi wakoopolola kati, “Ngwani wakachita eezi?” Banakwe bakayoowa kwaamba,

kayoowa kuti ulakonzya kumunyemena, pesi wakazoodombola kuti mbaasinsondo bakamugwasya. Wakazwa kachijaana mwaalumi ooyu katozya kumulyango wansondo akyookonkomona chamanguzu. Naakazwa kwiita bama dikkoni kuti babe aantoomwe, mukambawusi wakajula mulyango, mpawo wakanjila mwaalumi ooyu. “Mwakazichitlanzi?” Wakayanda kuziba. Bakasandula kuti bakalikuyanda byo kutondeezya luyando lwaLeza. Mwaalumi wakasanguna kulila, kaamba kuti taakwe naba omwe wakalinabuunsi wamutondeezya luyando mubuumi bwakwe boonse. Wakasanduka waba munaKkilisito, wakasandula buumi bwakwe, mpawo wakazulula kuyoosandula zimbi mpuli zyakali musanu ayimwi zyakali zyabeenzinyina mukabunga kabi abalabo bakaba banaKkilisito.

- Niinzi chakachitwa aNchito yaLuyando eeyi?
- Ubonaanga ooyu mwaalumi wakalikunoosanduka buboobu kaansinga bakaabana aawe jwi biyo?

Mpalamo mpati yakuchita Nchito yaLuyando njalukelemeka mulawu waLeza wakuyanda basimayakilane besu. Tuyanda kutondeezya luyando lwaLeza kuzyeengele zyesu. Chakusanguna, nkubotu kuyeeya aabo mbitutayando tondeezya luyando, mbuli mukozyanisyo aabo batanjili nsondo.

- Nkaambo nimuyeeya kuti nchikoloondo kutondeezya luyando lwaLeza kuli aabo Batali banaKkilisito?
 - *Biingi batali banaKkilisito tabasiki pe kunsondo kuzoomvwa aaytala aLeza. Pesi, mbuli mulwaano oolu, kuti balubona Luyando lwaLeza, lulabapa bisandu.*

2. Zichitilwa kulemeka Leza

Mbuli mulizyoonse, tuyanda kuba achoonzyo kuti tweenda mukulemeka Leza. Kwiinda kuti katuyabweenda mubukkale katuyanduula kuti nzeezili ziyanda kuchitwa akuchita eesu mabambe aakugwasya, tweelede kusanguna aakukomba, katubuazya kuli Leza kuti nzeezili nzyayanda kut tuchite. **Chiindi chiingi zintu zyeeta kusanduka kupati nzeezyo zinga teezyalikulangilwa kuchitwa.**

Amuyeeye aatala alwaano tuzwakumvwa lwamupati wakabunga kabi.

- Nsondo yakasala biyeni muntu wakuchitila luyando lwaLeza?
 - *Bakakomba mpawo Leza wakabatondeezya kuti bayande ooyu mwaalumi.*
- Mubonaanga bakali kunolanga nguwe na ooyu mwaalumi kaansinga bakachita buyandawuzi bwakuti mpaali aayanda kugwasigwa?

Chimwi chiindi Leza zintu nzyatukumbila kuti tuchite nzeezyo zibaanga tazikwe nchizyaamba mulizyesu nzila zyakuyeeya – mbuli kutondeezya luyando kumuntu walupyopyongano. Pesi tuli aabo buschaamba bwakuti, kuti Leza watuzulwida kuchita chintu, chilazuzikizya eezyo zyayanda, alimwi tulalongezegwa mukujata milimu yamabambe Aakwe.

3. Ziniini alimwi Zyuuba

Aawo nimusanguna kuchita Nchito zyaLuyando, tumusngwaazya kuti musangune ezintu zyuuba. Zyeedele kukonzeka kuchitwa muzuba limwi.

- Nkaambo nzi nimuyeeya kuti nchikoloondo kusanguna aakuchiya Nchito yaLuyando niini alimwi nguba?

Amulange eeyi mizeezo yone: Aawo nitusanguana echintu chuuba alimwi chiniini...

1. **Tulakonzya kuchimaninsya.** Kutwachita chintu chipati, nkuuba kufwambaana kulemenwa akukachilwa kuchimana. Pesi, kutwachita chintu chiniini alimwi chuuba, nkuuba kuchichita akuchimaninsya kabotu.
2. **Bantu biingi balanjila.** Nkuuba kuti bantu balipede kuchita chintu nchibazi kuti balachichita kwazuba lyomwe chimane. Balaamba kuti “Ndachita eechi mpawo ndinooli ndaangunuka sikati.” Pesi kuti kachili chintu chipati chitola mazuba miingi kumaninsya, bantu bayoowela kule kulipeda chiindi chabno

azyakubelesya mumabambe aayo. Eeli ndisimpe kampaſtala kuli aabo bantu banga kaambo kakugwasya bamwi kachili kapya kulimbabo.

3. **Tulijisi mweenya wakusumpula busongo bwesu.** Amwi tatunaaba aabusongo bweelede bwakuchita mabambe aaliboobu. Kuchita zintu ziniini zyuuba kutupa mweenya wakwiya akuba aaluzibo katutanasanguna chintu chiyumu.
4. **Tujana kuzwidilila chakufwambaana.** Nituzwidilila mumabambe maniini, bantu biingi balayanda kunjila abalabo mumabambe aaya kababotezegwa aakuzwidilila kulikuchitika. Kumatalikilo, bantu bache biyo bamunsndo banoyanda kujata milimu eeyi. Pesi mukuya buyiisya mabambe akutondeezya kuzwidilila, bantu biingi banooli babuyanda kunjila.

Kulimbubo kunoochita Nchito zyaLuyando niini chiindi chiingi (amviki naa mumviki zibili) kwindi kuchita mabambe mapati loko kachili chitu chomwe. Mukuyungizya zyaambwa kujulu, kuchita Nchito zyaLuyando niini kupa kuti bantu bakkale kababona milimu yansondo amyoyo yabo mibotu yakubamba akubelekela cheengele abantu.

4. Zichitwa Kakubelesegwa Zintu Zijanika Mubusena

NCHITO ZYAMUJATANE

Tulasobaana musobaano. Amuyeeye aataa aNchio zyaLunyanpdo nsondo yenu njiinga ilazichitila bantu kaatakwe nimwabelesya mali. Amweezye kuzilemba aansii mubwiingi bwazyo. Aabo batalembe zyiingvi kwiiinda bamwi mumaminisi musanu balajana chilumbo.

Zyakutobelezya Kumweendeleezi: *Musule lyamaminisi obile baambilwe kuti bayeesesye aatala abusongo bantu bamunsondo mbubajisi mbubakonzya kupeda mbulichipo, musule lyamaminisi musanu chita kuti babili babili bazwa kulembwa baabane nzibalemba kulangwe kuti balemba zingane. Bape chipo chiniini, nga chilababa chintu chiligwa, aabo banooli balemba zintu zyiingi.*

NJOOMO MUBUNGA MPATI

- Nkaambonzi nimuyeeya kuti nchikoloondo kuchita Nchito zyaLuyando kamubelesya zintu zijanika muchengele chenu?
 - **Ninzila yakutondeezya luyando**

Amuyeeye aataala akaano kazizwato muchiiyo 5. Muyeeya kuti zyalikunoona aamunse weendelana na kaansinga imwi mbunga mpati NGO, kiilinjiyo yakasika kuzoopa bantu zyakuzwaata kucheengele eechi? Peepe, tazyakali lkunoyendeleana pe.

 - Nkaambo nzi bantu nibakalimvwa kabayandidwe?

Nkaambo bakalubona luyando lwabasisondo nibakali kulipeda. Kuti bantu bamucheengele teebazibona kuti kuli kulipeda kwakachitika kuti chintu chichitwe, taakwe pe nibatalubone luyando lwaLeza munzila iikozyania.
 - **Chilongezyo chakupa.** Amubale kuli 2 Ba-Korinto 9:6-11. Leza wakatwaambila kuti mucheelo nchitupa aacho nchinchicho nchayootulungezya aacho lubo. Kakuliboobo, amulange lubo mavesi aaya.
 - Nkaambo nzi Leza natulungezya?
 1. Kuchitila kuti muzyiindi zyoonse tupe katwaangunukide.
 2. Kuchitila kuti Leza alumbayizigwe.

Mukupa kwansondo kazyaangunukide, twabona kulongezegwa kwazyo aLeza. Zyakasanguna kuzwa mubuchete. Pesi chimwi chikoloondo loko, nchakuti zyachila chakukonzya kupa kazyaangunukide antoomwe akuchita zimbi Nchito zyaLuyando nyiingi.

5. Kuchita kwiinda mumanguzu aaLeza

Amubale kuli Johane 15: 1-8.

- Eelifuka lyamichali litwaambila kutyani aatala azintu nzinga tulalichitula? Muyeeya kuti ezi zyaamba nzi?
- Tuzyala biyani michelo myiingi?

Kugwasya bantu kulakonzya kuyma loko. Leza alikke nguwe uunga ulaleta busandu mbutuyanda kubona muzyeengele zyesu. Kuti katuyanda kubona zyeengele zyesu kazisandulwa kwiinda mukuchita Nchito zyaLuyando, twelede kukkala katulanga kuli Leza akukumbila kuti atugwasye.

Twelede kukkala katukomba katutanasanguna, muchiindi katulichita anitwamaninsya kuchita Nchito yaLuyando. Nituswaana buyumuyumu, twelede kukumbila Leza kuti atupe nzila yakuzunda. Kuti twaba aakutyompwa moyo naakukatala, twelede kusyoma Leza kuti ulatupa manguzu aakwe aakuti twiinkile kunembo.

6. Amubikilize bantu biingi mbuli mpumukonzeya

NCHITO YAMBUNGA MPATI

Zyakutobelezya Kumweendelezi: anzaania mbunga ibe tubunga tubili – A aB. Ambila mbunga A isale muntu omwe biyo uutayiiminine. Ambila mbunga yabili kuti muntu woonse ulanjila. Pandulwida tubunga tobole kuti twelede kujatania mabazu obile aang'anda kababelesya nichiba niinzi nchibatabweze. Mukabunga A, muntu omwe nguutachite mulimu woonse, pesi ulazumizigwa kukumbila zintu kuzwa kuli bamwi bakabunga. Mukabunga B, bantu boonse balabelekela aantoomwe mukuyanduula zintu antoomwe amukuzijatania kuti zikaswaanane kulilimwi bbazu lyang'anda. Pandulwida kabunga A kuti bamwi boonse tabeelede pe kunowaambuula muchiindi chamulimu. (kuti baambuula, aamba kuti, "Wenche amuumunu, mulimu wansondo uliikubelekwa.")

Nitwamana tubunga toonse katuli tubili buzya:

- Ngwani wasanguna kumaninsya?
- Muyeeya kuti niinzi nchitunga tulayiya kyzwa kunchito eeyi?
- Kabunga A
 - Wamvwa biyani muntu omwe wachita mulimu woondse?
 - Moonse mwamvwa biyani? Mwalimvwa kamuyanda kugwasya na?
- Kabunga B
 - Muyeeya kuti ndooluli lugwasyo lwachitika nkaambo kakuba aabantu biingi balikubeleka aantoomwe?
- Nituchita Nchito zyaLuyando, atweezye kubikka bantu biingi mbuli mputukonzeya—nkaambo nzi nimuyeeya kuti echi nchikoloondo?

Chiindi chiingi, munsondo, mbache loko bantu bajatikizya kumilimu yoonse. Aabo bantu balakonzya kufwaambana kukatala akulimvwa kabatachiyandi, alimwi bamwi bantu bamana kabalimvwa aanga balikubelesege. Tabakomeni pe kubusongo bwabo amulusyomo. Chimwi chiindi tulanyongana akukumbilwa kuti tupe mali pesi katutanjili mumabambe. Nimuchita Nchito zyaLuyando amubikilize bantu biingi kuzwa kunsondo kuli eezo nzimulikuchita. Mpawo tulajana kugwasikana kuzwa kubusongo amanguzu aabantu biingi. Nchito yaLuyando mbotu, teensi eeyo yakubweza zintu kuzwa kubantu, pesi njeeyo yakuti muntu woonse ajatane mukuchita chintu antoomwe. Amwi mabambe aayo aakasalwa kuchitwa azimwi nsondo kababikiliza muntu woonse aswaanizya: kusalaza nzila zyakweenza maanzi, kubwezelela tombe akuyiila mumigelo amumigwagwa, kuyiila kumakkilinka.

7. Zichitilwa kutembawula Leza

Amubale kuli Johane 15:8 lubo.

- Nkaambo nzi nitweelede kuba aamichelo myiingi?

Amubale kuli Matayo 5:13-16.

- Nkaambo nzi nituchita zichito zibotu?
- Njiili yeelede kuba mpalamo yesu nituchita Nchito zyaLuyando?

Musule lyakuchi ayimwi Nchito yaLuyando, tweelede kutola mweenya wakulanga musule. Niinzi yali mpindu?

Amuyeeye aatala azeezi zintu zitobela:

1. Bantu bakagwasigwa na?
2. Mabambe aaya akachitwa munzila yaluyando na?
3. Leza wakatembawulwa na?

Chimwi chiindi bantu balabona Nchito yaLuyando yesu njitunooli twachita, mpawo baangunuke kuyanda kumvwa zyiingi aatala aLeza. Pesi teensi choonse chiindi pe. Simpe ndyakuti teensi koonse mputujana mweenya wakwaambuula aatala aLeza pe muchiindi nitulikuchita Nchito yaLuyando. Pesi tulakonzya kuyanduula kutembawula Leza chiindi choonse kwiinda mukuchita zintu munzila iimulemeka. Nansya buntu bwesu, lukondo lwesu, anzituyanda kuchita kukugwasya bamwi zilakonzya kuba bukamboni bweeta bulemu kuli Leza akutembawulwa.

Masimpilo

Zyakutobelezya KuMweendelezi: pandulula kuti muchiiyo chitobela ndiswe basibambila Nchito yaLuyando. Kuti kamulikuchita zyiyo zyamviki-amviki amutole mweenya wayiino mviki kuti nsondo yenu nga ilachita nyamanzi mbuli Nchito yaLuyando.

Amumaninize akuyubuluka zitondeezyo zyamaanza ilubo.

Chiiyo 9: Kubambila Nchito zya Luyando

Muzeezo Mupati

Eechi chiiyo nchakuyiisya atala anzila zyakubambila kuchita Nchito yaLuyando

Zyakubelesya

1. Mapepa mapati aakulembela aatapagwe kutubunga tulabantu musanu kuya kumusanu ababili 5-7

Mukozyanisyo waBana Balombe babili

Bala kuli Matayo 21:28-32

- Niinzi wisi nchawambila bana bakwe kuti bachite? (*kubeleka muchilili chamasansa*)
- Balombe bobile aaba balikumvwisisisya na chiyandisyo chawisi? (*iyii*)
- Nguuli musiyano aakata kabana bobile aaba?
 - *Mwana wakusanguna wakatedi takomulemeka pe wisi, pesi wakazosandula muzeezo wakwe wamulemeka.*
 - *Wabili wakati ulamulemeka pesi taakwe naakamulemeka pe.*
- Nguuli mwana Jesu ngwaakalumbayizya? (*mwana wakalemeka.*)

Jesu wakalikubelesya ukozyanisyo ooyu kuti abikke aantanganana kutateelela kwabazuluzi balusyomo. Wakati basimitelo (balupati mbafulumende balabukopokopo) antoomwe abaamu bakasanduka basanguna kulemeka bayoosanguna kunjila kuBwami bwaLeza kwiinda bapati bazyalusyomo aabo balyaamba kut balamuyanda Leza pesi kabatamulemeki pe.

Tazizulili pe kwiiya akumvwa ncjhobenzi zyaLeza kazyaambwa. Tweelede kubikka nchobeni zyaLeza eezi muzichito. Leza ulayanda kuti tumulemeke muluyando. Tulilwizi luyando lwaLeza kulindiswe: kuti tuyande Leza akuyanda simayakilane wesu mbuli mbutuliyanda swebo. Tweelede kusanguna kulemeka kuyanda kwaLeza mumawumi eesu kwiinda mukuyanda bamwi akubachitila Nchito zyaLuyando.

Zyeengele zyesu abuumi bwesu tabukonzyi kusanduka pe kusikila twabelesya muzichito zyoonse nzitwalikwiiya. Atuchite umwi mulimu uutatugwasye kuti tusangune kuchita zichito!

Ntaamo Zyakubambila

NJOOMO MUTUBUNGA TUNIINI (BANTU 5-7)

Zyakutobelezya Kumweendelezi: naa koli kuyiisizya aansondo yamubusena kulakonzeka kuti eezi uzichite aantoomwe mumbunga yomwe. Zulwinda mbungano mukati kantaamo zyoonse.

Ntaamo 1: Kukomba

Chakusanguna nkukomba. Amutole mweenya wakukomba ndilyo lino. Amukumbile Leza amutondeezye nzimunga mulachita mbuli Nchito yaLuyando. Amube aasimpe kuti mwatola maminisi aakuswiilila Leza kamuumwide.

Ntaamo 2: Kusala Chakuchita

Mbuli kabunga, amusale kuti niinzi nchimunga mulachita mbuli Nchito yaLuyando. Leza wamupa busongo na? naa kakuli umwi ulaamuzeezo wachito yaLundo mumusungwaazye awambe. Alubo oamulange imwi mizeezo njimwalembede kuchiiyo 5: Leza uyanda kuti insondo igwasye akuChiiyo 6: chiti, Nzeezili zimwi ziyandisyo

nzitukjnga tulagwasya aazyo. Antoomwe amuzuminane kuti ncheechili nchimubona kuti Leza ulikumuzulwida kulinchicho kuti muchite.

Nimwasala chakuchita, amube aasimpe lyakuti chilakonzeka kuchitwa muzuba lyomwe. Tumwi tubunga ngatwasala chintu chipati loko. Almwiinkile kunembo akuyeeya kusikila muchijane nchimunga mulachita muzuba lyomwe, kamubelesya zintu nzimulaazyo kale, akubikkiliza bantu biingi mbuli mpumukonzeyza.

Kuti Kamuli kuchita mabambe mutubunga tuniini, atuboozye ngambo tubunga toonse mwaabane nzimwazwaazyo.

- Zitondeezya luyando na?
- Nchiniini na alimwi nchuuba na?
- Chilakonzeka kuchitwa na azintu nzimulaazyo kale?
- Chilakonzeka na kuchitwa abantu biingi?

Ntaamo 3: Kubambila Mabambe

Amuzuwisyanie aatala amibuzyo iitobela. Kuti kakukonzeka umwi ngalembe aansi nsandulo kuchitila kuti tamuzilubi pe.

- Niinzi nchimutachite?
- Nzeezili zyakubelesya nzimuyanda? Mulazijana kuli zintu eezyo? Ngwani uutazyete?
- Ngwani ngumuyanda kugwasya?
- Mbaani batanjile mumabambe aakugwasya? Ngwani uutatambe bantu kuzoobeleva?
- Nchimuyanda kuchita eechi mulachichita bwangwana?

Zyakutobelezya Kumweendelezi: Kuti balikwiiya kabalikuchita mutubunga tuniini, chita kuti akamwi kabunga katule mabambe aako. Buzya kumbunga mpati yoonse kuti ngakulaba mizeezo na yakugwasya kusimya mabambe aaya.

Ntaamo 4: Mukombe

Nimwamaninsya kuchita mabambe, amutole mweenya wakukomba lubo. Amukumbile Leza amugwasye mukonzye kumaninsya chakuchita chenu akuyungizya mpindu. Amukombe kuti zina Lyakwe litembawulwe. Mumviki iboola naa zibili, nimulikubambila nchito yenu, mweelede kamulikukomba kuti Leza amugwasye munchito eeyo.

Zyakutobelezya Kumweendelezi: Pandulwida mbunga kuti kuliwo zimbi ntaamo zibili nzitutachite sunu. Mpawo ubale bupanduluzi bwantaamo zibili zyachaala.

Ntaamo 5: Kuchita Mulimu

Ntaamo iitobela njakuchita mulimu ooyo ngumwakabambnla. Amusangune zuba lyenu akukomba kuli Leza akupeda manguzu eenu kulinguwe. Kamuyubuluka kuti zyoonse nzimulikuchita muzichitila kutondeezya luyando lwaLeza kucheengele chenu. Amweezye kulijata munzila iizuzikizya eeyi mpalamo.

Ntaamo 6: Kulanga musule akupa Ngambo

Ntaamo yakumaninizya njakulanga musule akupa ngambo. Nkaambo nzi nitweelede kulanga musule? Nkaambo zitugwasya kwiiya. Tulakonzya kulanga nzitwakakonzya kuchita kabotu azezyo nzitweelede kubikkila maanu tuzisumpule muchiindi chiboola. Tazitoli chiindi chilamfu pe; mulakonzya kutola mweenya wakuzuwisyanie aatala amibuzyo iitobela:

- Niinzi chakeenda kabotu?
- Niinzi chakateenda kabotu?
- Nzeezili nzitweelede kusandula mukuchita mabambe?

- Zyakatambulika mbuli mbumwakalangilide na? kuti pe, nkaambo nzi?
- Wakatembawulwa na Leza?

Masimpilo

Twamanisya Bbuku 1.

NJOOMO MUTUBUNGA TUNIINI

Amutole mweenya wakuzuwisyania aatala ayimwi mizeezo mipati njimuchiyeede muzyiyo eezi.

- Ncheechili chimwi chintu nchimulangila kuchita busiyene mumviki iiza?

Nitulikumaninsya, atuyeeeye aatala alwaano lwabana balombe babili luli kuli Matayo 21:28-31. Mulwaano oolu, umwi mwana wakati ulamulemeka wisi pesi taakwe naakamulemeka pe. Umwi wakati takoomulemeka pe, pesi wakazoomulemeka. Jesu wakalumbayizya ooyo wakalemeka. Takuzulili pe kusika kuzooyiia akulikke. Tweelede kuchita zichito zijatika. Zyeengele amawumi eesu taakwe naanga alasanduka katutakwe nitwabikka muzichito eezyo nzitwayiia. Mulakonzya kusanguna kuyanda bamwi kwiinda mukuchita Nchito zyaLuyando, kusanguna ayomwe kamuyabuyungizya.

Zyakutobelezya Kumweendelezi: Kombela mbunga eeyi kuti Leza abagwasye bakonzye kubikka muzichito zyoonse nzibalikwiya..